


NDIPO MBEWU YAKO

YIZAMUTORA CHIPATA

CHA MURWANI WAKE

 Ine ndine, ngati mwa nyengo zose, nachedwa na ora panji ghaŵiri. Mlika wangunyamuka, wanguti, “Sono, ine nkikhumba kuti ndimuwoneskeni imwe mose wakuchedwa Mr. Branham.” Enya, ine ndiri na vinthu vinandi chomene vyakuti ndichite ntheura ine—ine nkhuŵika waka mwakuchedwa kamoza mu kanyengo. Kweni nyengo iyi ine nangutondeka kuchita ichi. Changuŵa chifukwa cha mphepo ndizo zanguchita ichi nyengo iyi. Ine ningamanya kupusikizgira ichi pa mphepo na kurutirizga. Nanguyenera kuti nisinthire kunthazi, M’bale Rose, pachoko waka. Mlenji uweme, Mlongosi Rose. Ndipo nakondwa kuŵa na mlenji uwu kuno, M’bale Rose na Mlongosi Rose, na M’bale Sharrit, na ŵabale ŵanandi, imwe ŵanthu ŵaweme kuwaro uko.

² Ine nkhopulika kuti, munyake wakundiphalira ine, “Para vura yikurokwa mu Phoenix, waliyose wakukhala waka mu chipinda,” kusintha kwantheura, imwe mukumanya. Limoza la mazuŵa agha ine nizamkurya chakurya chaulere. Iwo ŵakundiphalira ine kuti iwe ungamanya kuŵa na chakurya chaulere dazi lililose para zuŵa likuŵara yayi. Ine nichiwonenge ichi muhanyauno, kuŵapanga iwo ŵalipire icho.

³ Ine nkhayowoyanga usiku wamara, ku mpingo unyake. Ine naruwirathu zina la uwu. Ndipo ntheura ise tikaŵa na nyengo yiweme, usiku wamara, kuwaro ku chisopo. Ndipo ku wa M’bale Outlaw, na kumtunda ku Tempe, ndipo ise tikuŵa waka na nyengo yiweme mu wenenawene uwu. Ndipo ine nkhuŵazga kuzakakumana na ŵabale wose aŵa ŵapharazgi pa ungano ukuru, ntheura ise tizamkuŵa waka na nyengo kuti tiŵe pamoza, M’bale Rose, na kuyowoyeskana yumoza na munyake. Ndipo icho ndicho ine nkhwizira, ndi kuŵa na wenenawene. Ndipo ise tikaŵa . . . kulaŵiskanga pa ndondomeko yithu na kusanga malo ghanandi chomene. Kweni ine nkhanghanaghana kuti uwu ukaŵa mwaŵi ukuru chomene, chifukwa ine nkhayenera kuti—kuti ndikumane na ŵakupambanapambana, kuti ndiwonane nawo na kucezga nawo.

⁴ Nyengo zinyake mu kupharazga, mupharazgi waliyose wakupulikiskika yayi, nthowa yimoza panji yinyake. Nyengo zinandi, ŵanthu ŵakutora chinthu chinyake icho iwe

ukuyowoya ndipo wakuwa waka ngati. . . Ichi chikuyegamira pachoko pa iwo, ntheura iwo wayowoyenge ichi mwantheura umo. Ndipo ntheura munyake wakurondezgako wakuchipulika ichi, ichi chikumuyegamira chomeniko pachoko. Chinthu chakudankha imwe mukumanya, ichi chikutimbanizgika.

⁵ Ntheura—ntheura ise, nyengo zinandi, mu kupharazga, ine nkhuwa ngati nkholikita mabungwe na mawupu na vinthu. Nyengo yinyake, wanthu wakuyowoya pamanyuma, “M’bale Branham wakutinkha bungwe.” Uko nkhwana. Ine nkhotinkha bungwe yayi. Kweni nyengo zinandi chomene kuti wanthu wakudalira waka pa bungwe lira, imwe wonani, na kuwikanga vigomezgo vyawo vyose pa ilo m’ malo mwa pa Khristu.

⁶ Iwo wakukhumba kuti wawone kasi iwo wanganjizga mamembara ghalinga ku bungwe lira. Sono, icho ntchiweme chomene. Ine—ine. . . Icho ntchiweme. Ine nkughanaghana kuti bungwe lirilose likwenera kuti lisange membara waliyose ili lingamusanga. Icho ntchiweme chomene. Kweni para imwe mukufika pa kutora wambura kuphenduka na kukhazikikanga chomene pa icho kuruska umo imwe mukuchitira pa kudidimizga za Mzimu Mutuwa, ngati ndiumo M’bale Rose wakayowoyera kuno kanyengo kajumpha, na vinthu, pamanyuma imwe mukutora—imwe mukutora wanthu kughanaghananga, “Ise tiri mu *uwu*, ndipo ise tiri mu *uwo*.” Nakwenenako, ise tose tiri wa kwa Chiuta. Mukuwona?

⁷ Sono, usange ine nkhuwona munthu wakukhira na mronga mu boti. . . Ndipo ine nkukhala kufupi na mronga mu Indiana, Mronga wa Ohio, ndipo ine ndiri nkhanira kufupi na vipopoma. Ndi malo ghaheni chomene, vipopoma vira, chifukwa ichi chikukomenge iwe sono. Usange iwe wafika ku vipopoma vira, kulije boti lingamanya kujumpha ichi, chifukwa ichi ndi, pafupifupi thweluvu panji fifitini mitazi kunjira pasi, ndipo pamanyuma kuzingilira kukuru kukufika pasi, uku kukutchaya nkhanira pa libwe, libwe la pasi kula. Ndipo ine nkhusachizga a—a—vipewa, vipewa vituwa, vikuwira kusi ku vipopoma pa mamita thweluvu kupholika, wonani, uko ivi vikutimba pasi, vikukwerao muchanya. Ndipo pamanyuma mbwenu ghakuruta kuwanga ngati ntheura, ndipo ghakuruta pasi mu chipharizgano chikuru icho chiri pafupifupi mamita eyitini panji twente-wanu kuzongoka. Ndipo mkati mula muli apo maji ghakuzweteska agha kudera *uku*, ndipo ghakufumiskira agha kuwaro kwizira mu mugero. Kulije mwaŵi wakuti ungapona, imwe wonani.

⁸ Mwanarumi wakaruta uku nyengo yinyake kale wakavwara jaketi lakuthaska umoyo. Iwo wakachiwona chinthu para iyo wakati wanjiramo, ngati *ntheura*. [M’bale Branham wakalizga njoŵe yake—Munozgi] Nanga ndi jaketi lira lakuthaska umoyo, nkhangono yikuru yira ya maji yikamunjizga iyo nkhanira pasi. Ndipo wakamusanga yayi iyo. Ntha wakamanya

icho chikamuchitikira iyo. Iyo wakapharamira pa malibwe panji mumphepete pasi mwenemula, panji kilomita panji ghaŵiri mwenemula, ngati ntheura, ndipo pakaŵavye mwaŵi wakupona.

⁹ Ndipo usange ine nkhuwona munyake wakukhira na mronga mu boti lichoko lakale, nakhala kula nkhuŵazga, wakusesereka, ndipo ine nkhuayenera kuti nichemerezga kwa iyo, “Fumamo mu boti. Boti ilo likwaniskenge yayi kuŵenuka majigha agho.” Sono, nthā ndikokuti ine ndiri na chinyake chakwimikana na mwanarumi yura, nangauli usange ine nkhuayenera kuti ndimuchenye iyo na kuyowoya mwankhongono chomene kwa iyo. Nthā ndikokuti ine ndiri na chakwimikana na mwanarumi yura. Ine nkhumutemwa mwanarumi, kweni ine nkhumanya kuti iyo wachitenge ngozi. Ndicho chifukwa ine nkhuchemerezga kwa iyo. Chifukwa iyo nthā... Ndi chifukwa chakuti ine nkhumutemwa iyo, ndicho—ndicho chifukwa ine nkhuchemerezga. Usange ine nkhaŵikengeko zero yayi, ine mbwenu niyowoyenge, “Enya, ulendo uweme,” rutanga, wonani, usange nkhaŵikako zero yayi kwa iyo.

¹⁰ Kweni chifukwa icho ine nkhuayowoyera vinthu ivyo ndi chifukwa chakuti ine nkhuwutemwa Mpingo. Ine—ine nkhuwutemwa Mpingo wa Chiuta. Ndipo ine—ine nkhutinkha kuwona Uwu ukuŵika waka malingaliro pa bungwe. Ndipo ine nkhumanya kachitiro ako, kuti umo ndimo mpingo uliwose uli kuwerera ku malibwe, nkhanira ngati ntheura, nkhanira kwendera mu kachitiro kala ka bungwe.

¹¹ Ghanaghanani waka za chisisimuso mu nyengo ya ŵa Lutera, wonani uko ichi chikaruta. Ndipo para ichi chatimba waka icho, ichi chikuwukaso yayi. Ŵa Lutera ŵakaukaso yayi. Wonani ŵa Methodist ŵa Wesley, ŵakaukaso yayi. Wonani ŵa Pilgrim Holiness, ŵa Nazerene, ŵanyake wose ŵa iwo, ŵa Baptist, Prezibetere. Iwo ŵali na chisisimuso, ndipo pamanyuma munthu munyake wakunyamuka wali na nkhangono ya Chiuta pa iyo, iyo wakuyamba chakuchitika mu Mzimu. Ntheura para munthu yura wafwa waka, mbwenu iwo ŵakukhala mu bungwe kufuma ku icho.

¹² Ngati Moody Bible Institute, malo ghaweme, kweni agha nthā ghazamkuŵa ngati ndiumo Moody wakaŵira nagho agha. Mukuwona? Ndipo vinthu ivyo Moody wakagomezga, iwo ŵali mamiliyoni gha makilomitazi kutali na ichi, ntheura apo imwe muli. Ndipo sono chose ndi zero za m'mutu, uko Moody wakaŵa na ichi pa Mzimu, imwe wonani. Ndipo ntheura imwe—imwe mukuchisanga icho, mu vinthu ivyo.

¹³ Sono, para ine nkhati nayamba pakudankha, ndipo nkhiiza kuno ku Phoenix, virimika vyajumpha, mu chakuchitika cha Chipentekosite, nkhaŵa na mwaŵi wakwamba bungwe ndamwene. Ŵabale ŵa Vura Yaumaliro ŵakiza kwa ine, ŵakati,

“Nyengo ndi iyi. Tiye tiyambeko. Chifukwa, ise tiwenge—tiwenge wakuru kuruska wanyake wose wa iwo.”

¹⁴ Ine nkhati, “Lusungu! Ndicho yayi ichi. Icho ntha—icho ndicho yayi, wabale. Imwe muli—imwe muli mamiliyoni kilomitazi kutali na—kutali na msewu. Chiuta watumbikenge yayi ichi.” Wazgani mudauko winu. Wazgani Baibolo. Lizamkuwako yayi bungwe linyake lizamuphuka kufuma ku ichi, ilo likafuma ku ichi. Uwo mbunenesko. Uwu uzamupanga bungwe na kunjira mu. . . Uwu uli mu kawiro ka Laodikeya sono. Kweni ine nikuphalirenge iwe, m’bale, kulije mabungwe ghakutumbikika na Chiuta agho ghaphukenge. Chizamuwako yayi ichi. Ise tiri pa Kwiza kwa Fumu. Mukuwona? Ndipo Chiuta wazamutora wakukhalapo kufuma mu chakuchitika cha chisanisani ichi, icho chikuchitika sono, kuwa Mkwatibwi, kweni chizamuwako yayi chinyake cha bungwe, kuuzimu, munthowa yiriyose. Mukuwona? Kuli kumara.

¹⁵ Para ine nkhuwona wabale wane, wabale waweme, wakuyegamira nthowa yira, nthoura ine nkhopunguliramo waka ichi na chose ine ndiri nacho. Ndipo nyengo zinyake wabale wakuti, “Enya, M’bale Branham wakutitinkha ise. Ise ndise. . .” Uko nkhwana. Mwe! Icho ndi—icho ndi chinthu chiri kutali chomene na malingaliro ghane, ndi kuwa wakutinkha waliyose. Ine ndiri pamoza namwe. Ine ndine m’bale winu, wonani, ndipo nkhuzezeska chomene. Ndipo ndicho chifukwa ine nkhajoyinapo bungwe lililose yayi, mwakuti ine ningamanya kuyimirira pakatikati na kuti, “M’bale, reka. Nthowa ndi iyi yayi.”

¹⁶ Iwo wakuti, “Ise ndise wa Assemblies.” Icho ntchiweme. Assemblies of God liri kuwa thumbiko likuru kwa ine. “Ise ndise wa Foursquare.” Enya, wonani thumbiko ilo iwo wali kuwa kwa ine. “Ise ndise wa Zina la Yesu.” Wonani thumbiko ilo iwo wali kuwa kwa ine. “Ise ndise *weneawo, wanyake.*” Chirichose, iwo wose ndi thumbiko. Iwo ndi—iwo ndi wanthu wa Chiuta. Mukuwona? Ndipo wanthu wa Chiuta wali mu yose iyi.

¹⁷ Ndipo para ise tafika pa kujipatura taŵene, kuyowoyanga, “Ise tiri waka makora chomene kuno kuruska Mpingo wa Chiuta,” imwe wonani, panji, “Ise tiri wawemiko kuruska wa Foursquare panji wa Zina la Yesu,” panji chinyake ngati icho. Para ise tiri waka. . . Ise panyake tingasuskana pachoko mu zifundo. Ise tose tanguruta kukarya muhanyauno, tose mbwenu titorenge chingwa chakulekanalekana chakuwikamo chipaso, kweni ise tikurya chingwa chakuwikamo chipaso mwakuyana waka, imwe wonani. Ndiyo fundo. Nthoura fundo ya ichi, njakuti, usange—usange ise tingawona waka wenenawene withu. Nthoura rekani kuyegamiranga ku bungwe. Yegamirani ku Mphinjika. Imwe mukuwa wakufwa ku vinthu vinyake ivi. Mukuwona? Ndipo ine nkhuomezga. . .

¹⁸ Rekani ine niyowoye ichi apo ichi chiri pa malingaliro ghane. Ine nkhuomezga kuti bungwe liri kuchita gawo liweme. Pakuti, kuli nyengo zinandi, wabale, umo ise tikutinkhira kughanaghana ichi, viri kuwapo vinthu viri kwambika pakati pithu, na vinthu ngati ivyo, ivyo viri kuwa vyakukayikiska. Ndipo wanthu watorenge waka vyakukayikiska vira na kumbiniskira wanthu kulikose. Ndipo gulu la wabale likuwungana pamoza ilo ndi . . . ilo ine . . . Icho ine nkhung'anamura ndi kurutanga kuwaro ngati ndiumo iwo wakachitira mu mazuwa ghakwambilira na mitundu yose ya vinthu. Ndipo—ndipo ise tiri nacho ichi muhanyauno, wonani, chichali kwenda. Ndipo wanthu awo wangamanya kuwungana iwohene pamoza . . .

¹⁹ Chithuzithuzi cheneko cha Pentekosite, ku kulingalira kwane, para ichi chafika ku bungwe, ndi—mpingo, M'bale Pethrus, mpingo wa Filadelfiya mu Sweden. Sono, iwo wakupwelera yayi kasi ndi mtundu uli wa chisambizgo imwe muli nacho, malinga ichi chiri m'Malemba. Usange imwe mukukhumba kuti muchiwonere munthowa *iyi*, nthowa *iyi*, panji yinyake, malinga imwe muli na wenenawene na kukhala umoyo wautozgi weneko utuwa. Apo imwe muli. Icho ntchiweme. Ndipo usange imwe mukukhumba kuyowoya kuti Yesu wizenge pa kavalo mutuwa, ndipo munyake wakati Iyo wizenge pa bingu lituwa, mulindizgani Iyo mukachitiro ako. Rutirirani waka munthazi, malinga imwe mukukhala umoyo uweme wautozgi ndipo muli na wenenawene. Umo ndimo kuliri. Ndicho ichi.

²⁰ Kuti, enya, sono, icho ndi chifukwa chimoza, wabwezi, kuti ine ndiri na gulu ili la Wanthu Wamalonda. Chifukwa, ine nkhumanya kuti muli vinthu vinandi chomene mwenemula ivyo vikwenera kuti vinoxgeke. Kweni ichi ndi—ntchiweme chomene icho ise tiri nacho. Enya. Uwo mbunenesko. Enya. Pali vinthu vinandi chomene ivyo ine nkhwenera kuti niyowoye. Ndipo—ndipo imwe, wabale kuno wamuphalireninge imwe, ine nkhuwezgako nkonya yiriyose yayi pa iwo. Ine ndiri kuno ngati muteweti wa Chiuta, kuti ndiyowoye Unenesko. Ndipo ine nkhuayenera kukazgora pa ichi. Uwo mbunenesko. M'bale Rose wakati, "Ndicho chifukwa ise tikukutemwa iwe." Enya, icho—icho, enya, ise nth . . . Ise—ise tikwenera kuti tikhale na Mazgu agha. Mukuwona?

²¹ Nyengo waka yinyake kale, ine nkhuhanaghana, muka wa imwe mu . . . Ine nkha wa kusirya kwa nyanja, panji uko mu chilwa chirimika chamara, ndipo iwo wakawa na ungoro, ndipo wabale wanyake wakajitukururanga mu ungoro ukuru uwu uko iwo wakawa na wanthu wa bizinesi, mu charu. Ndipo iwo wakayowoyanga, "Ine nkha wa na kamalo kachoko kusika pa kona. Bizinesi yane yikawa yiweme yayi. Ndipo ine nkha wa na nyengo yakofya. Ndipo chinthu chakudankha imwe

mukumanya, ine—ine nkhapokera Khristu, ndipo—ndipo, o, ine ndiri na chirichose sono.” Sono, icho ntchiweme. Ise tikuwonga icho. Icho ntchiweme, kweni kutukuka nyengo zose ntha kukung’anamura Khristu. Icho, wonani, ndipo ise tikwenera kuchenjera na icho. Sono, icho ntchiweme. Mukuwona? Ine... Ndirije chakususka icho.

²² Kweni ine nkharuta na wabale wara usiku ula. Ise tikaruta ku motelu uko—gulu la ise tikakhalanga, na M’bale Shakarian na ise tose. Ndipo ine nkhati, “Enya,” ine nkhati, “wabale, ine ndimuphalireninge imwe.” Ine nkhati, “Ine—ine nkughanaghana kuti wabale imwe ndimwe gulu liweme chomene la wanthu awo ine ndiri kukumanapo nawo, mu umoyo wane. Kweni,” ine nkhati, “icho chiriko ntchakuti,” ine nkhati... .

²³ Ine ndiri mu bungwe lililose yayi, kweni ine ndiri mu wenenawene ula na icho. Ine nkhumyama kadi la wenenawene pamoza na iwo, kadi lekha pera ine nkhumyama, chifukwa ili likuyimira mabungwe ghose, imwe wonani. Ndipo icho ndicho ine nkhumtemwa. Icho ndicho ine nkhumlimbira.

²⁴ “Kweni,” ine nkhati, “chinthu icho chikunidandauliska, kuti imwe wabale panthazi pa wanthu wara kusika kula, awo mbakuchita makora chomene kwandaniska kujumpha sauzandi kuruska umo imwe muliri, ndipo pamanyuma kuyezganga kuwaphalira iwo kuti Khristu ndi kutukuka. Ntha mungayezganga kuwagulisika iwo icho.” Mukuwona?

²⁵ Ntha mungayezganga kujilinganizga na charu. Rekani charu chitisange pa malo ghithu. Ntha mungarutanga ku malo ghawo. Mukuwona? Mukuwona? Imwe mukuruta pa malo ghawo, ise ntha tiwarenge pamoza na iwo. Nakwenenako, Ivangeli likuwara yayi; ili likugolera. Hollywood wakuwara. Ivangeli likugolera. Pali mphambano yikuru pakatikati pa kugolera na kuwara.

²⁶ Ndipo ntheura, sono, ndipo ine nkhati, “Wabale wakale wa Chipentekosite awo waka wa na chinyake, wakayezga kuchitaya ichi, ndipo wakaryeska wakavu, na vinyake ngati ntheura, ndipo wakaruta kwambula chirichose, wonani, kuti wakapharazge Ivangeli, kuti wa we pa wenenawene.” Ine nkhati, “Sono ise tikuyezga kujitukumura pa ivyo ise tiri navyo.” Ine nkhati, “Ndi mphambano uli iyi!”

²⁷ Ndipo m’bale yumoza muweme muchoko, para pakati pajumpha nyengo zichoko iyo wakanyamuka, wakayowoya kwa ine, iyo wakati, “M’bale Branham, kula kuka wa kumoza kwa kunangiska kukuru chomene uko wanthu wakachita.”

²⁸ Ndipo ine nkhati, “Sono, wona, m’bale, ine ntha nkhayezganga kuphalira wanthu kuti waguriske ivyo iwo waka wa navyo. Kweni ine nkhuvezga waka kupanga fundo ku wanthu a wa wa bizinesi.”

Iyo wakati, “Kula kukaŵa kunangiska kukuru chomene, mwaŵanthu.”

²⁹ Ine nkhati, “Iwo ŵakachita icho mwa Mzimu Mutuŵa. Mzimu Mutuŵa wakaŵaphalira iwo ŵachite icho.” Mzimu Mutuŵa wakuphalira waliyose kuti wachite chinyake, iwe chita icho Iyo wakukuphalira kuti uchite.

³⁰ Ndipo iyo wakati, “Enya, uku kukaŵa kunangiska kukuru chomene uko mpingo ukapanga.”

³¹ Ine nkhati, “Chifukwa, m’bale?” Ndipo nkhanira kula panthazi pa munthu uyo ine nkhayowoyanga nayo.

³² Iyo wakati, “Chifukwa, para kukangana kuchoko kukati kwaŵuka mu tchalitchi mula, pakaŵa mphambano pakatikati pa Ŵagiriki na—na Ŵahebere, na ŵanyake ntheura,” wakati, “ŵanthu ŵara ŵakaŵavye malo ghakuti ŵaruteko. Iwo ŵakaŵavye nanga ndi nyumba kuti ŵawerereko.”

Ine nkhati, “Nkhanira ndendende khumbo la Chiuta.”

Iyo wakati, “Kasi ilo liwenge uli khumbo la Chiuta?”

³³ Ine nkhati, “Iwo ŵakaruta kulikose, kuthandazganga Ivangeli, chifukwa iwo ŵakaŵavye malo ghakuti ŵaruteko.”

³⁴ Mzimu Mutuŵa wakunangiska yayi. Uwu ukuchita yayi ichi. Mbweni kwamara. Ndipo apo ine nkhayowoyanga usiku wamara, imwe mukwenera kuti mukoreske waka kwa Chiuta, ndipo mukoreske ku Mazgu Ghake, ndipo mukoreske nkhanira ku Uwu. Palije kanthu kwali Uwu ukumurongozgerani nkhu, rutirirani waka kuwurondezga Uwu. Rutirirani kwendanga ngati ntheura.

³⁵ Kweni mwakusimikizga ine ndine—mukuŵirizgi wa wenenawene uwu wa Ŵanthu ŵa Malonda. Ndipo ungoro uliwose uko ine nkhuchemeka, ine nyengo zose nkhuruta na kukapharazga, nkhuoyoya chirichose ine ningafiska. Ntha kuyezga kupanga waka chinyake chakuti niyowoye, icho chimukondwereskenge munyake, *Wakuti-na-wakuti*. Kweni nyengo yiriyose para ine nkhuruta ku ungoro wane, ine nkhuoyezga kuwazga na kuŵizga, na kuti, “Fumu Yesu, kasi—kasi ine niyowoye vichi icho chingamany kovwira ŵanthu ŵara.”

³⁶ Waliyose wakumanya kuti ine ndine mupharazgi yayi. Ine nkhumanya yayi kuyowoya. Ine—ine ndine... Waliyose wakumanya icho. Ine ndine mupharazgi yayi. Wane—uthenga wane ndi kurombera ŵarwari, na vinyake ngati ntheura. Kweni, ine ndine mupharazgi yayi. Waliyose wangamany icho, kunipulika ine nkhuoyezga. Kweni icho ine nkhuoyoya, ine nkhuumba kuti nikhomemo kuti ichi chichite chinyake.

³⁷ Ntha kuyowoya kuti, “Kasi iyo ntha ndi—mupharazgi wankhongono? Kasi iyo wakugwiriska ntchito makora galamara wake? Kasi iyo ngwakuziziswa pa gome?” Ine

nkhuchikhumba yayi icho. Ine—ine ningachita yayi ichi. Chiuta ntha wakandichemera icho.

³⁸ Kweni ine nkhuvezga kuti ndisange chinyake icho chimovwirenge munthu yura, na kuti mpingo ula uwe mpingo uwemiko, kovwira uwu kuti uwe wanthu waweme, kuwuromberanga uwu.

³⁹ Sono, ine nayowoyanga ngati ntheura chifukwa ine nawona wanthu wachoko wakuwungana, ndipo vura yikurokwa. Ndicho chifukwa ine nayowoyanga vinthu ivi. Sono, kota pasiti.

⁴⁰ Ndipo sono ine nkhuumba kuti nimuwonge m'bale. Ine ndiri kumumanya M'bale Fuller kwa nyengo yitali, nyengo zose nkhamutemwa iyo, kufuma pasi pa mtima wane. Ndipo ise tiri na vinthu vinandi chomene tikukumanapo, M'bale Fuller. Ndipo ntheura ise. . . Ine ndiri kumuwona M'bale Fuller sono pa virimika vinandi, ndipo ine ndiri kumumanya iyo kuwa mwanarumi mweneko wa Chiuta, ndipo ine nkhumutemwa iyo. Ndipo ine ndiri kuno mlenji uwu kuti tiwe na wenenawene. Nkhuphepeska chomene kuti ine nkaphonya usiku wake kuti para ichi chikarengazeka mu malo uku, kweni chikawa chinyake icho ine nthena nkachita yayi. Ndipo ndine wakukondwa kuwa kuno mlenji uwu, kuwona tchalitchi lake, liweme, umo Chiuta wali kuwatukulira na kuwatumbika iwo. Na—na chirichose Iyo wamuchitira iyo, ine nkhuwonga chomene icho. Nkhuromba Chiuta warutirire kumutumbika iyo, na kutumbika kachisi uyu, na—na—gulu la mathrastii, madikoni, na mamembara ghose gha mpingo. Ndipo nkhuromba imwe mukure na kutukuka mu uchizi wa Fumu, ndiko kuromba kwane kuchoko.

⁴¹ Sono, pambere ise tindafike ku Mazgu, tiyeni timurombe Chata, pakudankha. Tiyeni tisindamiske mitu yithu pa kanyengo waka kuti tirombe.

⁴² Apo ise tiri chikhalire mwantchindi sono mu Kuwapo kwa Chiuta, na mitu yithu na mitima yakusindama, kasi muli pempho mu mtima winu, kuti chinyake icho imwe mukukhumba, icho mukhumbenge kuti Fumu yipereke kwa imwe, mwakuti ine panyake ningamumbukirani mu kuromba kwane mlenji uwu muno pa tchalitchi? Kasi imwe mungapanga waka ichi chimanyikwe pa kuchita kukwezga woko linu? Sungani waka ichi mu malingaliro ghinu, kasi ichi ntchichi. Fumu yipereke kwa waliyose wa imwe pempho lake.

⁴³ Wauchizi na Dada mutuwa Chiuta, Uyo wakalenga vinthu vyose kwizira mwa Khristu Yesu, ku uchindami Wake, ise tikwiza mu Kuwapo Kwinu mlenji uwu na viwongo pa mtima withu. Ndipo umo ise tayendera kujumpha mu vura, ndipo mphepo yikuputa, vura yikurokwa, ise tikuromba, Wadada Wakuchanya, kuti Imwe murokweskenge pa ise vura ya Kuchanya, vura yauzimu, vura yaumaliro na vura yakudankha, pamoza, mu mitima yithu muhanyauno.

44 Ise tikuromba, Wadada, kuti Imwe mutumbike mpingo uwu. Ise ndise wakuwonga chomene chifukwa cha ichi, chifukwa cha mliska wake, chifukwa cha gulu lake, chifukwa cha . . . malo uko wanthu wangamanya kukumana wali na denga pachanya pa mutu wawo na mpando uweme wakukhalapo.

45 Ise tikuwerera mu malingaliro ghithu ku mudauko wa Mpingo wakwambilira uwu, wakudankha uwu, waupostoli, Mpingo wa katolika, na kuwona umo iwo wakukhalira pa masilabu gha malibwe panji chirichose iwo wakamanya kusanga, kuti wapulike Mazgu gha Chiuta, ndipo pamanyuma kugwada pasi, ndipo uku kwazizima ndipo pa malibwe na fuvu, ndipo kula wakwezga mawoko ghawo Kuchanya na kunjoya Kuwapo kwa Mzimu Mutuwa. Perekani kwa iwo chisimikizgo chantheura mu umoyo wawo mpaka iwo wangamanya kuyenda kunjira mu mphanji ya nk Haramu, ntha nanga nkhusuntha, kweni kumwemwetera pa chisko chawo, kula wiskanga Kuchanya, kumanyanga, mu maminiti ghachoko, iwo wawenge mu Kuwapo kwa Iyo Uyo iwo wakamutemwa.

46 O, chipulikano cha wadada withu, chichali chamoyo, kwambura kuwopa ndende, moto na lupanga. Wezgereskani mwa ise, O Fumu, chipulikano chantheura. Mutipe ise thumbiko likuru la upostoli la Mzimu Mutuwa.

47 Waliyose muhanyauno uyo wangukwezga mawoko ghake muchanya, Imwe mukumanya icho iwo wakukhumba, Fumu. Imwe mukumanya icho changuwa kuseri kwa woko lira, chakukhumba na chirato mu mtima ula. Imwe mwekha mungamanya kupereka chakuso weka chirichose, Fumu. Ndipo ine nkhuwarombera iwo, kwambura kumanya vyakuso weka vyawo, kweni kuperekanga lurombo lane ngati lakurombera iwo. Ngati muteweti Winu, ine nkhurombera waliyose mwakusimikizga, kuti, chirichose iwo waromba, nkhuromba iwo wapokere. Watumbikani iwo, Wadada.

48 Ndipo sono apo ise tikuwazga za Mazgu Ghinu, na kusambizga gulu ili la Sande sukulu, umo kuka wira, mlenji uwu, ine nkhuromba kuti Imwe mutore Mazgu agha na kufumiskapo kuwura kugomezga kulikose pa Iwo, Fumu; kuti, nkhangono yiriyose ya Satana iyo yingamanya kupangika, iyo yingamanya kutondeska Uwu kukura, mphanji Uwu unjire mu mtima uli wose, ndipo mula wazgoke makuni gha urunji, Fumu. Chipulikano, kupambikanga cheneicho Imwe muli kukhozga Mazgu Ghinu kuti ghachitenge, kuti, "Ntha ghawerenge kwa Ine pawaka, kweni Igho ghakwaniriskenge cheneicho Igho ghakatumikira."

49 Sono, Fumu, tuwiskani muteweti Winu. Mazgu Ghinu ngakutu wiskika kale. Ndipo, pamoza, nkhuromba ise tiwe wakukwanira kuryeska mskambo wenuwo Mzimu Mutuwa

wali kutipa ise—mlimo wa usambizgi. Ise tikuomba mu Zina la Yesu. Amen.

⁵⁰ Sono, kwa imwe mwaŵeneimwe mukutemwa kuŵazga nyengo zinyake, pamoza na—Uthenga, ine mbwenu. . . Ine nkhumurombani imwe, usange imwe mungajura mu Buku. Ndipo ine ndiri na Uthenga waka uchoko wa Sande sukulu, ntheura, ku ŵanthu mlenji uwu.

⁵¹ Kasi imwe mukundipulika makora ine, mumphepete mose, palipose pa malo? Ine nangusunthira mayikurofoni iyi muchanya. Ine nasasa mazgu pachoko waka. Ine, para ine nkhati nafika waka kuno, ine nkhakoreka na chifuŵa. Devulu wakayezeska chomene kuti ine nitondeke kwiza kuno. Ine nkhamanya yayi. Ine nkbugomezga kuti Chiuta watipungulirenge chinyake chikuru pa nyengo iyi, chifukwa Satana wachita chirichose iyo wakamanya kuti wanitondeske ine ku ichi.

⁵² Kweni sono ise tiŵazgenge kufuma mu Genesis, chipatulo 22. Ndipo imwe mwaŵeneimwe mujurenge Baibolo linu, tiyeni tiŵazge gawo la Ichi, pamoza. Genesis 22, tiyeni tiyambire pa vesi 9.

Ndipo iwo ŵakiza ku malo uko Chiuta wakamuphalira iyo; ndipo Abraham wakazenga jotchero kwenekula, ndipo wakaŵika nkhuŵi mu dongosolo, ndipo wakamukaka Isaac mwana wake, ndipo wakamugoneka iyo pa jotchero pa nkhuŵi.

Ndipo Abraham wakanyoroska woko lake, ndipo wakatora chimayi kuti wakome mwana wake.

Ndipo mungelo wa YEHOVA wakamuchema iyo kufuma kuchanya, ndipo wakati, Abraham, Abraham: ndipo iyo wakati, Ndiri pano ine.

Ndipo iyo wakati, Reka kuŵika woko lako pa mwana, nesi kuchita chirichose kwa iyo: pakuti sono ine namanya kuti iwe ukumopa Chiuta, kuwona kuti iwe wakanirira yayi mwana wako, mwana wako yekha pera kunipa ine.

Ndipo Abraham wakinuska maso ghake, ndipo wakalaŵiska, ndipo wonani kumanyuma kwa iyo mberere yikakoreka masengwe ghake mu chivwati, panji masengwe ghake, mphanyiko: ndipo Abraham wakaruta ndipo wakatora mberere, ndipo wakapereka iyi pa. . . kuŵa sembe yakotcha m'malo mwa mwana wake.

Ndipo Abraham wakachema zina la malo Jehova-jireh: umo ichi chikuyowoyekera kufika dazi ili, Mu phiri la YEHOVA ichi chizamkuwoneka.

Ndipo mungelo wa YEHOVA wakamuchema Abraham kufuma kuchanya nyengo yachiwiri,

Ndipo wakati, Mwa inendekha ine ndalapizga, wakuti YEHOVA, . . . chifukwa iwe wachita chinthu ichi, ndipo wakanirira yayi mwana wako, mwana wako yekha pera:

Kuti mu kutumbika ine ndikutumbikenge iwe, ndipo mu kwandaniska ine ndiyandaniskenge mbewu zako ngati nyenyezi za . . . kuchanya, ndipo ngati michenga . . . mumphepete mwa nyanja; ndipo mbewu yako yizamutora chipata cha murwani wake;

⁵³ Ine nkukhumba kuti nditore mazgu ghaumaliro ghara kula kuwa mutu: *Ndipo Mbewu Yako Yizamutora Chipata Cha Murwani Wake*. Ilo ndi—phangano liweme.

⁵⁴ Sono, ise tose tikuyimanya nkhani iyi, panyake tiri kuwazgapo iyi, mwakuwerezga, nyengo na nyengo, ya Abraham, na umo Chiuta wakamuchemera iyo kufuma mu charu chake, na umo iyo wakaŵira waka munthu wamba, pakaŵavye chapadera. Kweni Chiuta wakamuchema iyo ndipo wakapangana nayo phangano iyo.

⁵⁵ Sono, ine nkukhumba kuti imwe muwone kuti phangano ili ilo Chiuta wakapangana na Abraham ntha likaŵa kwa Abraham pera, kweni likaŵa la ku mbewu yake pamanyuma pa iyo. Sono, ŵanthu ŵanandi ŵakuti, “O, usange ine nkhaŵenge ngati Abraham, usange ine nkhaŵenge uko Chiuta wakaniyowoyeskeri ine na—na kundipa ine chisimikizgo ngati ndiumo Iyo wakachitira kwa Abraham, ine mbwenu niŵenge, ine—ine nadi mbwenu niŵenge na chipulikano, M’bale Branham, usange ine nkhaŵenge waka, usange Chiuta wakaniyowoyeskenge ine ngati ndiumo Iyo wakachitira kwa Abraham.” Kweni imwe muli na phangano lenelira ilo Abraham wakaŵa nalo, ndiko kuti, usange imwe ndimwe Mbewu ya Abraham.

⁵⁶ Ntheura imwe mukuti, “Kweni, M’bale Branham, ine ndine Wamitundu. Ine ningaŵa nayo yayi mbewu ya Abraham.”

⁵⁷ Mbewu ya Abraham ntha yikaŵa mbewu yakuthupi. Iyi yikaŵa Mbewu yauzimu, pakuti ukotoli wa yira ukaŵa kanthu yayi. Phangano, Iyo wakamupa nanga ndi pambere ukotoli ukaŵa undachitike. Kweni ili likaperekeka kwa iyo pambere ukotoli undachitike, ndipo ntha chikaŵa chifukwa chakuti iyo wakaŵa wakukotoreka ndipo mu phangano na Chiuta mukachitiro ako. Ndi chifukwa chakuti Abraham wakamugomezga Chiuta.

⁵⁸ Ndipo Lemba likayowoya, kuti, “Para ise tafwira mwa Khristu, ise tikuzgoka Mbewu ya Abraham.” Paulos wakuyowoya za ichi, “Ndipo mweneuyo ndi Muyuda ntha ndi Muyuda kuwaro, kweni Muyuda mkati.” Ipo, usange imwe ndimwe ŵakubabika na Mzimu wa Chiuta, “imwe

ndimwe Mbewu ya Abraham, ndipo ndimwe wahaliri pamoza na Abraham kwakulingana na phangano.” Mukuwona? Ipo phangano lirilose ilo Chiuta wakapereka kwa Abraham ndinu, chifukwa kuuzimu imwe ndimwe Mbewu ya Abraham.

⁵⁹ Ndipo imwe ndimwe Muyuda chomene kuruska umo imwe mukati muwiringe usange imwe mukababikira mu ndopa za Chiyuda, ndipo pamanyuma—ndipo pamanyuma kuwa Muyuda wa orthodox mu mpingo ula, na wakukana Mzimu Mutuwa uwu na Fumu Yesu Khristu. Mukuwona? Imwe mwaruska pa Muyuda, chifukwa imwe ndimwe Muyuda uyo ngwakubabika na phangano kufuma Kuchanya, leneilo Chiuta wakapereka kwa Abraham, ndipo Abraham wakazomera ili mwa chipulikano, ndipo ndicho chikamupanga iyo icho iyo wakaŵa. Nakwenenako, Muyuda ndi chakupatulanya waka, na kwambukira kusirya, Muhebere, na vinyake ngati ntheura.

⁶⁰ Sono, kweni para imwe mwajipatula mwaŵene ku vinthu vya charu, mwajumpha mzere ula wakupatulanya, ndipo mukukhala mu charu chachilendo, charu ngati kuti imwe mukaŵamo yayi, mu mtendeko, na wanthu awo imwe mundakhalepo nawo mu mtendeko, ntheura imwe mukuzgoka Muyuda wauzimu. Chifukwa, chimozi umo Abraham, mwa chipulikano, wakachilekera charu chake, wakaŵareka wanthu wakwake, wakaruta mu charu chachilendo na wanthu wachilendo, imwe mwaŵareka wanthu wakwinu, mwachireka kumanyuma charu, mwaŵareka wabwezi winu kumanyuma, mwayambuka, mwayendera mu Ndopa za Yesu Khristu, ndipo ndimwe wakupanjwa, mukupenja Msumba, uwo Wakuzenga na Wakuwupanga ndi Chiuta, ngati ndiumo Abraham wakaŵira. Wamwenda nthowa, pamoza na Iyo, kukhalanga mu mahema, matchalitchi, wenekokaya wa Ufumu wa Kuchanya, wahaliri wa vinthu vyose kwizira mwa Yesu Khristu. Mukuwona? Ise tayambuka, tapatukako.

⁶¹ Sono, Abraham, phangano liri kupangikira Abraham na Mbewu yake pamanyuma pa iyo. Sono, Chiuta wapereka phangano ili kwa Abraham, za Mbewu yake, yizamutora chipata cha murwani wake pamanyuma pakuti Iyo wakamuyezga Abraham, wakamulinga Abraham. Sono, para kuyezgeka kukati kwafika, ntheura . . .

⁶² Abraham wakaŵa kuti waphenduka kale, ise tingamanya kuchema ichi, kufuma ku kuwura kugomezga kunjira mwa Chiuta. Ndipo pamanyuma Chiuta wakamupa iyo, ngati chimanyikwiro cha Mzimu Mutuwa, ukotoli. Ntheura, pamanyuma pa ukotoli, ntheura yikafika nyengo ya kuyezgeka.

⁶³ Chithuzithuzi chiweme chomene apa cha Mpingo, kuti, pamanyuma pakuti ise taponoskeka, ntheura ise tikupika chididimizgo cha ukotoli wakulayizgika, wenuwo ndi wakuthupi yayi, kweni wa Mzimu. Ndipo Mzimu Mutuwa

ndi ukotoli withu. Ndi chimayi chakuthwa cha Chiuta. Uwu ukupatulanya na kudumurako nyama yakunthazi ya thupi, ya charu, kwa ise. Mazgu gha Chiuta, ngakuthwa kuruska lupanga lwakuthwa kuwiri! Ntheura, imwe wonani, chikwiza chikuwereraso, Mazgu gha Chiuta ndi chinthu icho Mzimu Mutuwa wakugwiriska ntchito; nthu kachitiro ka vigomezgo, nthu mabungwe. Kweni Mazgu ndigho ghakutipatura ise ku vinthu vya charu. Agha ghakudumurako fundo zithu na vinthu, ndipo kwathunthu ghakutipereka ise kwa Chiuta.

64 Yesu wakati, “Usange imwe mukukhala mwa Ine, ndipo Mazgu Ghane mwa imwe.” Apo imwe muli. Ntheura, nthu ndi mazgu ghinu. Ndi Mazgu Ghake. Ntheura, imwe wonani, “Usange imwe mukukhala mwa Ine, ndipo Mazgu Ghane mwa imwe, imwe mungamanya kuromba icho imwe mukukhumba.” U-huh. Mukuwona? Icho ichi chiri, imwe nthu mukuyowoya mazgu ghinu mwa wene. Imwe mukuyowoya Mazgu Ghake.

65 Ntheura Mzimu Mutuwa ndi Mweneuyo wakutora Mazgu gha Chiuta na kutipatula ise ku vinthu ivi vya charu, wonani, ukotoli, kukotora. Pamanyuma imwe mukwendera mu nyengo yakuyezgeka.

66 Sono, Abraham, para iyo wakati wachemeka, charu cha wa Kaldi, msumba wa Ur, iyo wakazgoka mwendanthowa, wakupanjwa. Ndipo pamanyuma Chiuta wakamuchema iyo, para iyo wakati wasimikizgika kuti iyo warutirirenge na kumutora Chiuta pa Mazgu Ghake. Ntheura, icho Chiuta wakachita pamanyuma, wakamupa chimanyikwiro, kuti Iyo wakamuzomera iyo, ndipo Iyo wakamukotora iyo. Ndipo iyo wakamukotora Ishmael na mbumba yake yose.

67 Ndipo sono imwe wonani, para—para imwe mwachemeka, chakudankha imwe mukwendera mu kuyezgeka, kuti wawone usange imwe murutirirenge nadi. Ndipo pamanyuma Chiuta wakumupani imwe Mzimu Mutuwa, cheneicho ndi chimanyikwiro chakuti Iyo wazomera chipulikano chinu cheneicho imwe mukuyowoya kuti muli nacho mwa Iyo. Imwe mukundirondezga sono? Iyo wazomerege ichi.

68 Sono, ine nkhayowoyanga ku . . . Panyake munga wa wabale wanyake waweme wa Baptist muno. Ndipo waliyose wakumanya kuti ine nkhafumira mu mpingo wa Baptist. Ine nkhayowoyanga kwa m'bale wane wa Baptist. Ndipo iyo wakati kwa ine, “M'bale Branham?” Iyo waka wa Dokotala wa Vyauzimu, mwanarumi muweme, Mukhristu mweneko. Iyo wakati, “Kweni, M'bale Branham, kasi ukuwusanga nkhu ubapatizo ula wa Mzimu Mutuwa pakuwa chinyake chakulekana kuruska chipulikano mwa Khristu Yesu?”

Ine nkhati, “Ichi ntchakulekana, m'bale wane muweme.”

69 Iyo wakati, “Kasi iwe ukughanaghana ntheura yayi kuti para wapokera Khristu, iwe ukupokera Mzimu Mutuwa?”

⁷⁰ Ine nkhati, “Unenesko. Kweni,” Ine nkhati, “iwe wona, iwe ukuyowoya waka kuti uli kumupokera Khristu, mpaka Iyo wachimanye ichi.”

⁷¹ Iyo wakati, “M’bale Branham, Abraham wakamugomezga Chiuta, ndipo chikaŵerengekera kwa iyo kuti wakaŵa murunji.”

⁷² Ine nkhati, “Enya. Kweni Chiuta wakamupa chimanyikwiro, kuti Iyo wakapokerera chipulikano chake, para Iyo wakati wamupa chididimizgo cha ukotoli, kuti Iyo wakapokerera chipulikano chake.” Amen.

⁷³ Sono, para ise tamupokerera Khristu ngati Muponoski withu, ntheura, usange ndise ŵaneneska mu icho, ntheura Chiuta wakutipa chimanyikwiro, kuti Iyo wapokerera chipulikano chithu mwa Khristu, pa kuchita kutipa chididimizgo cha ukotoli, cheneicho ndi Mzimu Mutuŵa. Icho ndi chididimizgo cha ukotoli. “Mungakwenyerezganga Mzimu Mutuŵa wa Chiuta mwa weneuwo imwe muli kudidimizgikira kufika ku Dazi la Uwombozi winu.” Ntha kufika ku ungoro wakurondezgako; kweni kufika ku Dazi la Uwombozi winu. Uwo mbunenesko, Ŵaefeso 4:30. Sono, umo ndimo ise tikupokerera Mzimu Mutuŵa.

⁷⁴ Sono, usange imwe mukuti, “O, ine ndine wakugomezga,” ndipo Chiuta wachali wandamupasani Mzimu Mutuŵa, Iyo wakuchimanya yayi ichi. Iwe ukuyowoya waka kuti iwe ukugomezga. Kweni para nkhayiko zose...Ine ntha nkhuwouya kuti ndiwe wakugomezga yayi sono. Mu chigaŵa chinyake, iwe ndiwe wakugomezga.

⁷⁵ Kweni para Chiuta wasanga kutemwereka, iwe wasanga kutemwereka na Iyo, mphanyiko, ndipo Iyo wakumanya kuti ndiwe mwana Wake, ndipo Iyo wawumanya mtima wako, ndipo Iyo wakuwona kugomezgeka kwako, Iyo wakumanya vinthu vyose vyadumurikako kwa iwe. Ntheura Iyo wakukudidimizgira iwe mu Ufumu wa Chiuta, mwa Mzimu Mutuŵa, kusimikizgiranga ku charu kuti Iyo wazomera chipulikano icho ukuyowoya kuti uli nacho mwa Iyo. Mukupulikiska ichi sono?

⁷⁶ Sono, nkhanira pamanyuma pa icho, pakwiza kuyezgeka. “Mwana waliyose uyo wakwiza kwa Chiuta chakudankha wakwenera kulangika, kuyezgeka.”

⁷⁷ Yesu, para Iyo wakati wapokera uzari wose wa Mzimu, pa mronga, para Yohane wakamubapatiza Iyo, mwaluŵiro devulu wakamutorera Iyo mu mapopa, kuti wakayendere mu nyengo ya kuyezgeka. Kweni para Iyo wakati watora Mazgu gha Chiuta na kumutonda devulu, “Kuli kulembeka. Kuli kulembeka,” Iyo wakawerako wakafumako wakunozgekerera utumiki Wake.

⁷⁸ Ndipo umo ndimo Chiuta wakachitira kwa Abraham. Sono, Chiuta, para wakati wamuchema iyo ku charu chake, ndipo iyo wakajipatula iyomwene ku charu chake, ŵanthu ŵakwake,

ndipo pamanyuma Chiuta wakamupa iyo chididimizgo cha ukotoli, pamanyuma wakamupa mwana. Ntheura iyo wakaruta ku kuyezgeka kwaumaliro kula, nkhanira kufika ku nyengo apo iyo wakayenera kuti wapereke mwana wake yekha Isaac kuwa sembe. Ndipo Iyo wakati, “Kuwona kuti iwe nthu wakanirira mwana wako yekha pera, Ine namanya kuti iwe ukunditemwa Ine.” Iyo wakamupa chiyezgo chira iyo.

⁷⁹ Ntheura nkhanira pamanyuma pa icho, wakawina nkondo nyengo yira, Iyo wakati, “Ndipo Mbewu yako yizamutora chipata cha murwani wake.” Amen. Ine nkchitemwa icho. “Yizamutora chipata cha murwani wake.” Ise tifikengeko ku fundo yaumaliro yira mu nyengo zichoko waka, para Fumu yazomerezga. Sono Iyo wakasanga ichi, Abraham wakugomezgeka. Para Iyo wakati wasanga Abraham kuti wakaŵa wakugomezgeka, ntheura Iyo wakamupa phangano la kutora chipata cha murwani.

⁸⁰ Sono kula, nyengo zinandi chomene, uko ŵanandi ŵa ise ŵa Pentekosite tiri kunangiskira, ndipo tikughanaghana, “Enya, Mzimu Mutuŵa wali kupungulika pa ine. Uchindami kwa Chiuta! Ndicho chekha ine nkchuyenera kuŵa nacho.” Yayi, bwana. Iwe ndikokuti ukuyambako waka. Iwe, uchali undafike. Ndi kulingika kwako na kuyezgeka.

⁸¹ Ngati ndiumo ise tikusangira mu—mu, umo mu—a—Chipangano Chakale; kulingika, kuyezgekanga, ndipo pamanyuma kumukhazikiskanga mwana. Kulereka, kumukhazikiskanga mwana pamanyuma pakuti iyo ndi mwana kale, wakababika mu banja. Iyo ndi mwana, ntheura iyo wakwenera kulingika na kuyezgeka, na kulereka na ŵasambizgi, ndipo ŵawone umo iyo wakukulira. Ndipo pamanyuma iyo wakukhazikiskika pa malo, mwakuyana pafupifupi, kufika kwa dada wake.

⁸² Sono icho ndicho chiriko muhanyauno. Ise takhala tikuŵa waka pafupifupi na virimika fote vya kuyezgeka kwa Pentekosite, panji kusazgirapo, wonani, kuwuyezganga mpingo, kuwona kwali iwo ŵayimenge, panji yayi. Kuwonanga icho imwe. . .Ndipo, wonani, kula ndiko ine nkchusangaso ichi. M’ malo mwakukoreska ku mphinjika na ku Mazgu, na kurutiriranga, ise tikujikozganiska na charu, kugenukiranga kudera *uku*, panji kugenukiranga kudera *uku*, panji kujilinganizga na *ichi*.

⁸³ Umo ine nyengo zose ndiri kuyowoya mwankhongono chomene kususka ŵanthu mu kachitiro kasono aka muhanyauno, ŵanakazi kudumuranga sisi lawo, ndipo—ndipo ŵanarumi kuchitanga viheni na chirichose, na kuvwaranga waka malaya ghauzaghali na vintu. Ine nkhusanga kususkika kunandi pa icho. Kweni kasi ichi ntchichi? Ndi kuyezga kuti ndiuponoske mpingo ula. Uku ndi kuyezga kuti ndiŵatorere

iwo kuchanya *uku*, ku Mazgu gha Chiuta, kwambura kupwerera icho charu chinyake chiyowoyenge za Ichi. Khalani na Mazgu gha Chiuta. Amen. Mukuwona? Mukuwona?

⁸⁴ Icho chiriko ntchakuti, ngati ndiumo ine nkhayowoyeranga usiku wamara, wâ Pentekosite wâkulindizga mphepo yikuru yakuputa yankhongono, kweni iwo wâkatondeka kupulika Lizgu lichoko lapasipasi lira. Mukuwona? Kuti, ndi kwananga kuchita vinthu ivyo. Iwo wâkughanaghana, “Malinga mphepo yakuputa, viri makora.”

⁸⁵ Kweni chira nthâ chikakopa tcheru cha muprofeti. Mphepo yakuputa nthâ yikamutangwaniska muprofeti Eliya mu mphanji. Vidududu vyankhongono na wâleza, na kurokwanga, vikamukopa yayi iyo, vyose. Kweni icho chikamuchenuska iyo lika wâ lizgu lichoko lapasipasi lira, chinyake chira kuyowoyanga na cha mkati. “Mazgu Ghane ndi Unenesko. Rekani lizgu lose la munthu liwê litesi, ndipo Lane liwê launenesko.” Icho ndicho chikamukopa muprofeti. Mukuwona?

⁸⁶ Ndipo ichi chichitenge ndithu ichi. Mazgu gha Chiuta nyengo zose ghakukopa malingaliro ghauzimu ghara, chifukwa ndi malingaliro gha Khristu mwa imwe, agho ghakumanya kuti Mazgu ghara nganeneska.

⁸⁷ Ndipo imwe mukwendera mu nyengo ya kuyezgeka. Mpingo ukwendera mu nyengo ya kuyezgeka. Munthu waliyose payekha wakwendera mu nyengo ya kuyezgeka pambere ichi chindatore chipata cha murwani. Abraham wakayendera mu ichi. Khristu wakayendera mu ichi. Para Khristu wakati wazuzgika na Mzimu Mutuwa, kula pa mronga wa Jordan, Iyo wakayendera mu nyengo ya kuyezgeka. Para Abraham wakati wachemeka, waka wîkika mu charu chake uko iyo wakati wâwenge mwendanthowa, pamanyuma wakamupa ukotoli, ndipo Chiuta wakakumana nayo, nyengo na nyengo, kweni iyo wakayenera kuti wayendere mu nyengo ya kuyezgeka. Mbewu yiriyose ya Abraham yikuchita chinthu chenechira, Abraham na Mbewu yake.

⁸⁸ Bungwe, mpingo, ndicho chifukwa ise tikusanga kuti mabungwe ghithu ghakuwa mumphepete mwa nthowa, ndi chifukwa chakuti para ili lafika pa kuyezgeka. Kuyezgeka uli? Mazgu gha Chiuta. Apo pali kuyezgeka. Mazgu gha Chiuta ndigho chakuyezgera. Kasi ise tichitenge icho gulu la wânthu likuyowoya kuti chitani, panji kasi ise tichitenge icho Chiuta wayowoya? Iyo ndiyo mphambano.

⁸⁹ Kula ichi chikiza, mazuwa gha Dwight Moody, mazuwa gha Finney, Sankey, Knox, Calvin, Spurgeon, wose wâ iwo, wânthu wâuzimu wâra, mabungwe ghakarondezga pamanyuma pawo. Iwo wâli na gulu la wânthu kumanyuma kula ilo liri kujura nthowa zawo kunjira mu ili, waliyose kugomezganga *ichi* na *icho*, na kusazgangako pachoko *uku*, na kufumiskangako

pachoko *kula*, na kusazgako pachoko *uku*, mpaka paumaliro iwo wakapanga bungwe kufuma ku ichi.

⁹⁰ Ndipo para iwo wachita, wakugomezga mweneko muneneska, Chiuta wakwiza ndipo wakutora munyake muchoko, munthu wakujikhizga, wakuswa chinthu chira mu viduswa. Mbunenesko. Nyengo zose wali kuchita ichi. Chiuta wakusintha yayi. Wakupalura waka chinthu chira mu viduswa, wanthu wanyake wauzimu weneawo wakhalenge nkhanira na Mazgu ghara.

⁹¹ Rekani ine ndimuphalireni imwe. Ine ndiri na kalata ku nyumba, ya umoza wa mipingo yiweme chomene, mabungwe ghakuru mu chakuchitika cha Pentekosite. Mwanakazi mukavu yura wakusweka mtima wakanilembera kalata. Ndipo iyo wakati, “M’bale Branham, ine nkhasunga sisi litali ndipo nkhalikaka kumanyuma kwa mutu wane.” Iyo wakati, “Ndipo... Mfumu wane wakalitemwa ili.” Ndipo iyo wakati, “Ise tikasamuka kufuma mu msumba uko ise tikaŵa na mpingo uwo ukaŵa wauzimu chomene, tikaruta uko mpingo ukuru uwu, mpingo wakudankha wa msumba.” Ndipo wakati, “Para ise tikati tafika kula, walongosi wose wa Pentekosite wakadumura sisi lawo.” Ndipo wakati, “Iwo wakandikweŵeska ine za ichi. Ine nkhati, ‘Yayi, yayi. Ine nkbugomezga Baibolo likutiphallira kuti ntha tingachitanga icho; ndi ntchindi yayi kuchita icho.’” Ndipo nthaura iyo wakati waka, “Ndipo iwo wakarutirira...” Iwo wakamuseka iyo, kuti, “‘Hey, lako—tayara lako likuphwa kumanyuma, lako la sipeyara,’ na vyose ngati nthaura. Ndipo wakamukweŵeska mfumu wane, mu nthowa yakuti, mpaka iyo wakandichizga ine kuti nidumure sisi lane.” Ndipo wakati, “Ine ndiri kususkika, kufuma nyengo yira.”

⁹² Ghanaghanani za ichi, mpingo wa Pentekosite uwo ukwenera kuti uyime na Mazgu gha Chiuta! Uko ndiko bungwe linu likumutorerani imwe. Mbunenesko. Iwo wakutondeka kupulika Lizgu lichoko lapasipasi lira la Mazgu, ilo likuwachemera iwo ku unenesko. Iwo wose wakutegherezga ku mphapo zankhongono zakuputa, na kuchemereza kukuru na kuvina, kuyowoyanga kuti iwo wali na nkhangono. Icho chiri makora. Ine nkbugomezga mu icho, naneso. Kweni, m’bale, para iwe ungavina na kuchemereza, ndipo pamanyuma kung’anamuka na kukana Mazgu gha Chiuta, na kukhala ngati charu, pali chinyake chakwanangika pamalo ghanyake. Mbunenesko.

⁹³ Mzimu wa Chiuta ukwiza, Lizgu lichoko lapasipasi lira, ndipo likumurongozgerani imwe nkhanira ku Mphinjika, uko ise ndise wakufwa, ndipo umoyo withu ngwakubisika mwa Chiuta kwizira mwa Khristu, ndipo ngwakudidimizgika na Mzimu Mutuŵa. Nthaura, Mazgu ghekha pera ghara ghakukhala umoyo mula. “Nthaura usange imwe mukukhala mwa Ine, ndipo Mazgu

Ghane mwa imwe, rombani icho imwe mukukhumba ndipo ichi chiperekekenge kwa imwe.” Apo pali mphambano.

⁹⁴ Ine nkugomezga kuti ine ntha nkhuwoneka kwa imwe ngati wakunyanyira. Usange ine ndiri, ine ndine—ine ndine—ine nkhumanya yayi za ichi. Ine—ine nkugomezga kuti Mazgu gha Chiuta ndi Unenesko, ndipo Igho ghakwenera kukhala nkhanira umu. Ndipo usange Igho ghakukhala umu, Igho ghajiwoneskenge Ighoghene kuwaro. Igho ghakwenera kuchita! Umoyo wako, kaŵiro kako kose, kaŵenge kakulekana.

⁹⁵ Ntheura para Chiuta wakati wamupa Abraham kuyezgeka, iyo wakatonda, handiredi pa handiredi. Ndipo nthena. . .

⁹⁶ Chiuta wangapereka yayi chiyezgo ku bungwe, chifukwa chose ichi ndi chakusakanikirana. Chiuta ntha wakuchita mu nthowa yira na bungwe. Iyo ntha wakuchita na vyaru mu ŵanthu wa Wamitundu. “Iyo wakatora ŵanthu kufuma pa Wamitundu.” Israel, Iyo wakatora fuko. Kweni, pa Wamitundu, “Iyo wakatora ŵanthu kufuma na Wamitundu chifukwa cha Zina Lake.” Ntheura, imwe wonani, ntha ndi bu- . . . Ndi bungwe yayi. Ndi munthu payekha uyo Iyo wakatora kufuma pa Wamitundu.

⁹⁷ Ndipo para kuyezgeka kwafika, imwe mukuwona icho chikuchitika? Ise tikafuma pa chifukwa cha kurunjiskika. Ise tikapokera ubapatizo wa Mzimu Mutuŵa mu chakuchitika cha pentekosite. Kweni para yikati yafika nyengo ya kuyezgeka, tikatora nkhwantha zakusambira, kukhumba kuŵa ngati charu, ngati ndiumo kukaŵira mu mazuŵa gha chakuchitika cha Wesley na ŵanyake wose ŵa iwo. Iwo ŵakuruta ku sukulu. Iwo—iwo ŵakusambira sayansi. Ndipo iwo ŵakusambira mitundu yinyake yose iyi ya vinthu ivyo vikwendezgana na masambiro. Ndipo iwo ŵakuyezga kusambira kuŵazga malingaliro. “Chinthu waka chiweme chomene, enya, ntha ungayowoyanga *ichi*. Ŵalekani iwo ŵachite *ichi* na *icho*. Chifukwa *ichi*. . .” Wonani, imwe mukuchurukana ndipo mukuzenga. Chinu—chinu—chirato chinu ntchakwanangika. Chakulinga chinu ntchakwanangika. Imwe mukuzenga kufika ku bungwe m’ malo mwakuzenga kufika ku Mphinjika. Kasi imwe mungazenga uli kufika ku Mphinjika, kwambura kwizira nthowa ya Mazgu?

⁹⁸ “Pakuti ise tikuchapika na maji gha Mazgu.” “Imwe mukhale mwa Ine ndipo Mazgu Ghane mwa imwe, ntheura rombani icho imwe mukukhumba.”

⁹⁹ Uko ndiko ise tikuwona kutondeka kwa chakuchitika cha Pentekosite, chifukwa iwo ŵakufumako ku Mazgu. Mazgu ghayowoyenge chinthu chimoza; iwo ŵayezgenge kupanga bungwe lira kuti lifike kula kumalo kunyake. Ndipo iwo ŵafumengeko ku Mazgu ghara, ndipo ŵayendenge nkhanira na bungwe. Ndipo imwe mukuwona uko uwu wafika? Uwu pafupifupi uli ngati mipingo yinyake yose. Kweni ndipouli ise tikuvina na kuchemereza, na kuyowoya malilime, na kuduka

kukwera-na-kukhira, vyose ivyo nviweme. Bungwe lawo liri makora. Ine nkugomezga najirongosora makora ndamwene. Kweni chinthu ntchakuti, Lizgu lichoko lapasipasi lira la Mazgu lichali kuyowoya. Ndicho ichi.

¹⁰⁰ Imwe mukuyendera mu kuyezgeka. Chiuta wakumuyezgani ngati ndiumo Iyo wakamuchitira Abraham. Iyo wakuyezga Mbewu ya Abraham, pamanyuma pa iyo. Ndipo sono, chifukwa icho ise tikutondekera kutora chipata cha murwani, chifukwa icho paliri vinandi chomene pakati pithu, ndi chifukwa chakuti ise tikutondeka kuzizipizga kuyezgeka. Ndipo rekani ine nimuphalireni chinyake imwe, kuyezgeka na Mazgu nkhweme.

¹⁰¹ Chifukwa icho ise tilijire, ndipo ise ntha tizamkuwapo nacho...mu bungwe. Ine nkughanaghana kuti Pentekosite wali na bungwe linyake liweme. Wanthu wanyake waweme chomene ine...wali...wakukhala pa charu chapasi, wali mu igho—mabungwe ghara.

¹⁰² Assemblies of God, ine ndiri nawo wabwezi mwenemula. Mwe! M'bale nkhanira kula mu Indiana, ine ndiwenge, ndiwenge na ungoro, ine nkugomezga, munthowa, nkhanira mwasonosono. M'bale Roy Weed, iyo ndi munthu wa kuyegha mauthenga mu chigawa cha Indiana. Ine nkugomezga yura ndi munthu wauchiuta. Kweni, iyo ndi munthu wa kuyegha mauthenga wa Assemblies of God.

¹⁰³ Foursquare, o, mwe, kasi yilinga! Ralph McPherson na wabale wanandi wara, awo ndi wanthu wauchiuta, paliye pa maumoyo ghawo. Iwo ndi wanthu waweme.

¹⁰⁴ Kula ku wa Oneness, icho iwo wakujichema iwo wene, wa Oneness. Panji, sono, ine ntha nkughanaghana...Iwo wakuchema uwo mpingo wa Yesu. Jack Moore, kuchemanga waka yumoza kufuma ku...Kuli mahandiredi gha iwo, wanthu waweme, wanthu waweme, wanthu wauchiuta.

¹⁰⁵ Kweni chinthu cha ichi ntchakuti, m'bale, ndi ichi, para iwe ukudemerera ku bungwe lira. Mukuwona? Chiuta wakutora mabungwe ghara, ndipo—ndipo igho ghose ghakuwa. Ghawoneni igho, vyacharu vikunjira. Wonani wanakazi wawo. Wonani wanarumi wawo. Wonani kawiro kawo. Ine ningamanya kumuwoneskani imwe, wanthu wa Assemblies of God awo wali na madikoni pa wakuruwakuru wawo, awo wali kutorapo kawiri panji katatu, wapharazgi kuchitanga viheni. Wanakazi na sisi lawo lakudumura, wavwara wakabunthu, wajiphoda, ndipo kweni wakuyowoya ndithu kuti wali na Mzimu Mutuwa, kugomezganga pa ukaboni wa kuyowoyanga malilime, panji kudukaduka kukwera-na-kukhira, panji kuchemerezganga.

¹⁰⁶ Iwo wakulimanya yayi Lizgu lichoko lapasipasi lira la Mazgu. Mazgu ghara ghakumusungani imwe wakukhazikika kufika ku mphinjika. Kula ndiko ichi chiri. Ndicho chifukwa ise tirije wapropeti weneko mu mpingo muhanyauno, ngati Agabus.

¹⁰⁷ Ndicho chifukwa, mpingo muhanyauno, iwo—iwo wâkuchindika yayi kuyowoyanga malilime para munyake wakuyowoya, chifukwa iwo wâli kupulika vyafeki vinandi chomene na viheni, mpaka iwo wâkumanya yayi icho ntchaunenesko na chiheni mu uwu.

¹⁰⁸ Kutanthauziranga uko ndi kwachinyengo waka, munyake kuyowoyanga waka chinyake chifukwa iyo wakuwona kurongozgeka. Uko ndi kutanthauzira yayi. Kutanthauzira; ntha munyake kuyimilira na kuyowoya malilime, yumoza munyake wakunyamuka mu maminiti ghachoko ndipo wakatanthauzira icho iyo wayowoya. Para yumoza wakuyowoya, munyake wakutanthauzira nkhanira penepapo, kuyowoyanga lizgu pa lizgu, mayowoyero ghakuyana, chirichose chimozi. Munthu *uyu* panyake wakuchima, kweni ndi kutanthauzira yayi. Wanyake wâ iwo, mtundu *uwu* wa lizgu kuyowoyanga chinyake, munyake kumanyuma *uku* kuyowoyanga chinthu chinyakeso. Ndipo wanyake wâkuyowoya mazgu teni, munyake wakuyowoya mazgu fifite kumanyuma kwa ichi, kuwâ kutanthauzira.

¹⁰⁹ *Kutanthauzira* kukung'anamura "kuyowoya, lizgu-palizu." Usange ndi Mazgu gha Chiuta, ichi chikwenera kuti chifike, lizgu pa lizgu; mzere pa mzere, mzere pa mzere. Umo ndimo Mazgu ghakwenera kufikira.

¹¹⁰ Kweni kasi ise tiri kuwona vichi? Vyafeki vinandi chomene! Ndipo iwo wâkachita icho, mwakuti, m'malo mwakukhala na Mazgu, iwo wâkurekeska icho kula. Para munthu wakati wachita chira, iwo wâkamuchema iyo wa Pentekosite. Ndipo imwe mukumanya icho chikuchitika.

¹¹¹ Para kuyezgeka kwafika, nyengo ya kuyezgeka, mbwenu Mbewu yikwamba, uku kukuwoneska iyo ndi Mbewu na iyo ndiyo yayi. Sono, kwambura kupwerera ivyo vikachitika, Abraham wakakhala na Mazgu, phangano.

¹¹² Kweni muhanyauno bungwe lingachita yayi icho. Ndipo wâbale wanyake waweme imwe muli mu mabungwe ghara, imwe kususkana nawo kamoza, imwe mukumanya uko imwe mwaruta. Kasi mbalinga wâ imwe?

¹¹³ Ine ntha nkhuwoyoya, mu nyumba iyi sono, kweni kasi mbalinga awo wâli kuwâmo mu chipinda chane, kasi mbalinga wâli kuwâpo na ine, yowoyani, "M'bale Branham, ise tikumanya uwo ndi Unenesko. Kweni usange ise tasezgeka uku, kasi ise tichitenge vichi?"

¹¹⁴ M'bale, kasi ise tichitenge vichi? Demererani ku Gologota, demererani ku phangano, ku mphinjika, munthowa yiriyose.

¹¹⁵ Ndipo kudera kula, iwo wâli na wanthu wanyake waweme chomene. Mukuwona? Kweni icho ine nkhuwezga kuchita, ndi kuyowoya kuti, icho chikwenera kuti chitondeke. Ichi nyengo zose chiri kutondeka ndipo nyengo zose chizamutondeka. Kweni ichi ndi, kwali imwe mwatondeka panji yayi, na Chiuta, sungani

Mazgu gha Chiuta na phangano Lake, chakudankha. Imwe muyezgekenge na Ichi.

116 Imwe musayinenge mapepala, kuti imwe muchitenge *ichi* panji muchitenge *icho*. Nanga ndi mwakususkana na Mazgu, imwe muzomerezenge ndithu ichi. Uwo mbunenesko. Mu mtima winu, imwe mukumanya uku ndi kwananga. Ilo ndi Lizgu lichoko lapasipasi likuyowoya, Mazgu ghara. Ndicho chifukwa ise tingarutirira yayi, chifukwa cha chinyake icho chachitika. Imwe mukajipatula mwaŵene ku Lizgu lichoko lapasipasi lira. Imwe mukaruta kuwaro mwaluŵiro chomene. Chiuta wakakuchemanga iwe, kweni iwe ukaruta kuwaro mwaluŵiro chomene, chifukwa vidududu vikaduduma, ŵaleza ŵakathwanima, phiri likagwedezgeka.

117 Ichi ntha chikamusuntha Eliya, muprofeti yura. Iyo wakakhumbanga Lizgu lira, chakudankha. Iyo wakati, “Ine nikhalenge nkhanira pano.”

118 Ŵanandi chomene muhanyauno, ŵakayambapo, visopo vya machirisko, vyakuthupi mu kulinganziga, mitundu yose ya vinthu, na vyakunyerenyeka ivyo ntha vikuwoneka nanga ndi mu Mazgu gha Chiuta. Uwo mbunenesko. Kasi ichi ntchichi? Ise tikwenera kuti tiyimbe sumu yira, “Iwo ŵeneawo ŵakulindizga kwa Fumu. Rekani ine ndireke kunyada kwane ndipo ndicheme pa Zina Linu. Rekani ine nilindizge, Fumu, mpaka ine nipulike Lizgu lichoko lapasipasi lira.” Ndipo Lizgu lira liwenge lizgu la m’Malemba. Ili liyowoyenge ndendende kuyana na Mazgu. Amen. Viri makora.

119 Tikusanga, Abraham para iyo wakati wamanyiskika, wachemeka, wapatukako ku ŵakutemweka ŵake, ku banja lake, ku nyumba yake, ku ŵabale ŵake, kuruta ku charu chachilendo. Mwa chipulikano iyo wakachita icho. Ntheura, chifukwa chakuti iyo wakachita ichi, Chiuta wakamupa iyo ukotoli, kusimikizgira kuti iyo wakaŵa mwana wa Chiuta, kuti iyo wakagomezga mwa Iyo chifukwa iyo wakagomezganga phangano. Kweni, iyo ntha, iyo ntha wakachiwona ichi kuthupi, kweni iyo wakayowoya, “Chirichose chakususkana na Mazgu gha Chiuta chikaŵa chautesi.” Pali je kanthu kwali pakiza ukaboni unandi uli, ichi chikaŵa chautesi.

120 Ine nkhutinkha kuyowoya ichi, kweni ine nkhuynenera kuti niyowoye. Wonani. Ndipo para imwe mwatora ŵanakazi, ine ndiyowoyenge pa chifukwa cha chinthu chimoza icho chikuwoneka, mungamanya kuchiwona, awo ŵakuyowoya kuti ŵali na Mzimu Mutuŵa, ndipo ntha ŵakupwerera mwakukwanira kuti—kuti ŵalireke sisi lawo likurenge, pali chinyake chakwanangika pa malo ghanyake. Mwanakazi uyo wavwarenge chakuvwara icho ntcha mwanarumi, na kuvwara ichi, penepapo Baibolo likuti, “Ndi ukazuzi kwa—kwa Chiuta, kuti mwanakazi wavware chakuvwara cha mwanarumi.” Ndipo

pamanyuma imwe mukuyowoya kuti muli na Mzimu Mutuwa ndipo mukuchita icho?

¹²¹ Ine nkhuwoya pa icho dazi limoza mu Oregon. Kukaŵa mwanakazi wakanilemba kalata yikuru chomene. Iyo wakati, “M’bale Branham, iwe uli na utumiki uweme, kweni iwe nadi ukuwunanga uwu.” Iyo wakati, “Sono, ukuti vichi . . .” Wakati, “Ine nkhuwara maovoloro nyengo yose.” Wakati, “Ukuti vichi za kurutanga mu munda kuti ukatoremo vinyake—munda unyake, ndipo wavwara diresi. Kasi iwe ntha ukughanaghana kuti ichi chingawoneka chomeniko chomene kuvwara ovoloro kuruska umo chingaŵira na, panji jinzi ya makwerero, chirichose icho chingaŵako, kuruska kuvwara diresi?” Ndipo wakati, “Wona, ine nkhuwera muchanya mu mapiri na ŵanyamata para iwo ŵakuruta kukaliska ng’ombe, ndipo,” wakati, “Ine nkhuwara mu malo gha uzuzu unandi.” Wakati, “Sono, na—kuvwara diresi, uwu mbwenu unirumenge. Na maovoloro uwu ukunditangwaniska yayi ine.”

¹²² Ine nkhati, “Icho ntchipepefu kuruska msuzi wakupangika kufuma ku muzgezge wa nkhuwara iyo yakhala na njara kufika ku nyifwa. Lusungu! Ichi chirije Lizgu limoza la Chiuta ku ichi. Uko ndi kulingalira kwako wamwene.”

¹²³ Chiuta wakati, “Rekani lizgu lirilose liŵe liteshi, ndipo Lake liŵe launenesko.” Muwoli wane wakuvwara diresi. Iyo wakuyawa mu dimba. Iyo walije suzgo na ichi. Ndipo, munthowa yiriyose, mwanakazi walije chakuchita na gulu la ŵanarumi kuwara kula, kuliskanga ng’ombe, munthowa yiriyose. Iyo wakwenera kuŵa mu khichini uko ndi kumalo ghake. Uwo mbunenesko.

¹²⁴ Iwo ŵakuyezga kusanga waka pakugwenthera, kweni paliye. Mazgu gha Chiuta ghali pakweru, ndipo mwanakazi uyo ngwakubabika na Mzimu wa Chiuta . . . Ndipo mwanarumi uyo ngwakubabika na Mzimu wa Chiuta wamuzomerezgege yayi muwoli wake kuchita ngati ntheura. Kasi Iyo wakuyowoya vichi? “Iyo mweneuyo wakudumura sisi lake, wakuyuyura mutu wake.” Ndipo mfumu wake ndi mutu wake. Iyo walije ntchindi.

¹²⁵ Ntchiweme ine nikhale chete. Viri makora. Sono, wonani, wonani, icho chakwanira. Imwe mukumanya icho ine nkhuwoya.

¹²⁶ Ine ntha nkhuwoya icho kwizira mu nkhuwara. Usange ine nkhuwoya icho kwizira mu nkhuwara, Chiuta wanilengere lusungu pa mtima wane wakwananga; rekani ine nigwade pasi apa pa guwa ili, nirape.

¹²⁷ Ine nkhuwoya ichi chifukwa, ŵabwezi, ine nkhumutemwani imwe. Ndipo ine nkhuwoya kumuphalirani uwo ndi unenesko, ndipo agho ndi Mazgu gha Chiuta. Ise tikwenera kuti tipulike Lizgu lichoko lapasipasi lira la Chiuta,

kuti tikure kwakulingana na Mazgu. Ise tikwenda mu nyengo ya kuyezgeka. Aleluya!

128 Kasi imwe mukamanyanga kuti para nyengo yakuyezgeka yira yikati yafika, kusambizgika kula kwa mwana yura uyo wakababikira mu banja la bungwe? Usange iyo wakatonda kuyezgeka ndipo wakakhilirira na kukhumba kwa dada, ntheura mnyamata yura wakatorekera kuwaro ndipo wakavwarikika chakuvwara, ndipo pamanyuma pakaŵa mwambo ukayowoyeka. Ndipo mnyamata yura pamanyuma wakakhazikiskika mu banja ku leneilo iyo wakababikiramo.

129 Ilo ndilo suzgo na ŵa Pentekosite ŵithu muhanyauno. Iwo ŵakudukira waka *uku* na *kula*, ndipo mabungwe githu ghakuŵaguzira iwo kudera *uku* na kudera *uko*. Iwo ntha ŵakukhala na Mazgu.

130 Usange imwe mukhalenge na Mazgu, ntheura Chiuta, kuwonanga, “Usange imwe mukukhala mwa Ine, ndipo Mazgu Ghane mwa imwe,” Ghake, Iyo wangaghakana yayi Agha, Ndi Mazgu Ghake. Ntheura yizamkuŵako nyengo, nyengo yinyake, para imwe muzamkutoreka na kukhalikika pamphepete, na kupika chinyake icho ntchanadinadi, aleluya, nkhangono ya Chiuta Mwenenkhongono.

131 Cheneicho, Chiuta wakulindizga ŵana Ŵake, kweni iwo ŵakhalenge pa mzere yayi, para iwo ŵafika ku nyengo yira yakuyezgeka. Kasi imwe muzomerege ichi? “Enya, mpingo undisezgenge ine.” Viri makora. Apo imwe muli. Mbweni, ŵakuruta. Iyo ndi Mbewu ya Abraham yayi. Mbewu ya Abraham ntha yikuchita ngati ntheura.

132 Mbewu ya Abraham! Sono, ine nkhpwerera yayi icho chikiza chakususka kwa Abraham, iyo wakakhala nkhanira na Mazgu ghara gha phangano, wakakhala waka nkhanira na ichi. Paliye kanthu kwali Sara wakiza uli, ŵanyake ŵakiza, ŵakupambanapambana ŵakiza, chirichose, iyo wakatora ichi ngati kuti ichi chikaŵako yayi. Iyo wakalawiska, iyo wakagomezga kuti waliwonenge phangano, chifukwa Chiuta wakalayizga kwa iyo, ndipo chira ndicho chekha chikaŵako kula ku ichi. Ghakaŵa Mazgu gha Chiuta, ghakakhala nkhanira mwa iyo.

133 Ntheura Iyo wakamupa kuyezgeka kwaumaliro kula. “Ine ndimupenge mapande ghaŵiri, na kumuyezga iyo.” Sono, iyo wali na mwana kale. Iyo wakuwona kuti iyo wali nayo uyu. “Kweni sono Ine ndimuphalirenge, ‘Tora mwana yura ndipo ukamukome.’ Ndipo wakamutora mwana yura, para iyo wakuwona. . . Kasi iyo wakomenge mwana yura? Ine ndimuyezgenge iyo sono.”

134 Abraham, muneneska ku Mazgu! Uli, para iwe wapokera phangano, kasi uchirekeskenge uli chinthu?

135 “Kasi—kasi iwe—kasi iwe uchitenge uli—kasi iwe ukhazgenge uli kuti uwenge dada wa mitundu, ndipo apa iwe uli na virimika handiredi na fifitini vyakubabika sono?” Isaac muchoko, pafupifupi fotini, virimika fifitini vyakubabika. “Kasi iwe uwenge uli dada wa mitundu para iwe uli na virimika handiredi na fifitini vyakubabika, apa pali mwana wako yekha pera, ndipo iwe ukuparanya ukaboni wako wekha pera uwo iwe uli nawo?” Amen.

136 “Kasi ine nichitenge uli ichi usange ine nafumamo mu bungwe lane? Kasi ine nichitenge uli ichi usange ine nkhuchita *ichi*?” O, tegherezga ku Lizgu lichoko lapasipasi lira ndipo zanga ku Mazgu, Mazgu.

137 Iwe ukuti, “Ine nkhapulika lizgu likundiphalira *ichi*.” Usange ichi chikususkana na Mazgu, likaŵa Lizgu la Chiuta yayi. Lizgu la Chiuta likwiza ku Mazgu.

138 Ntheura Abraham wakaruta nkhanira kula ku Lizgu, ndipo lapasipasi, Lizgu lichoko la Chiuta, ku Mazgu gha Chiuta, kuti watore umoyo wa mwana wake yekha.

139 Iyo wakati, “Wezga woko lako, Abraham. Ine namanya sono kuti ukunditemwa Ine. Ndipo wose ŵara pamanyuma pa iwe, aleluya, wose awo ŵakwiza pamanyuma pa iwe, awo mbakunozgeka kutora Mazgu Ghane, yiwenge Mbewu yako, ndipo kula yamutora chipata cha murwani.”

140 Nakhumbanga nthena nanguŵa na nyengo kuti ndimuphalireni chinyake icho chikachitika mazuŵa ghachoko ghajumpha, wonani, za icho chikachitika. O, mwe!

141 “Yizamutora chipata cha murwani; Mbewu yako pamanyuma pa iwe. Abraham, uyo wakutumbika iwe wazamutumbikika, ndipo uyo wakutemba iwe wazamutembeka.” Yesu wakati, “Ntchiweme kuti libwe likakakika ku singo lako, na kuponyeka pasi pa nyanja.”

142 Ndipo mabungwe agha agho ghakuŵakana ŵanthu ŵara ŵauchiuta, chifukwa iwo ŵali kuyima na Unenesko, Mazgu, na Mzimu na nkhongono ya Chiuta, ndipo ŵakukhala na Mazgu, imwe mukuwona icho chikachitika? Imwe mukuponyeka mu nyanja ya chiruwa.

143 “Ntchiweme kuti libwe likakakika ku singo lako, ndipo uponyeke pasi pa nyanja, kuruska nanga nkhuŵazga yumoza wa Ŵakuphakazgika ŵachoko aŵa.” Kasi iwo mbanjani? Mbewu ya Abraham kukhalanga na Mazgu gha phangano.

144 Mipingo yithu yinyake yikufika ku malo uko yikukana, iwo ŵakukana machirisko Ghauzimu, iwo ŵakuchikhumba yayi ichi mu mpingo wawo munthowa yiriyose. Uwo mbunenesko. Mabungwe githu gha Pentekosite ghakukhumba yayi machirisko Ghauzimu. Kasi ichi ntchichi? Kasi imwe mukuwona yayi umo devulu wali kuchitira? Iyo wakafika

kula ndipo wakayowoya vinthu vinyake vyafeki ngati ntheura. Ndipo wanthu wazeru za m'mutu kughanaghananga kuti iwo mbauzimu, ndipo wakuchilawiska icho, ndipo wakuti, "Muwoneni yumoza *yura*. Muwoneni yumoza *yura*." Ine nkchilawiska pa yura yayi.

145 Usange imwe ndimwe Mbewu ya Abraham, imwe mulawiskenge pa phangano la Chiuta, icho Chiuta wakayowoya kuti muchite za ichi. Ndicho ichi. Mbewu ya Abraham, ise tikulawiska pa phangano. Ine nkchupwerera yayi kwali mbalinga wakuwira kudera *uku* ndipo kasi mbalinga wakuwira kudera *kula*. Phangano likukhalirira launenesko.

146 Imwe mukwenera kuti muyendere mu kuyezgeka kula. Mukuwona? Enya. Abraham, chakudankha wakayezgeka, ndipo pamanyuma wakadidimizgika, pamanyuma wakapika phangano lakuti "Mbewu yake yizamutora chipata cha murwani." Ine nkchuchitemwa icho. Pamanyuma, iwo wakatora vipata vya murwani wawo para iwo wakati wayezgeka.

147 Chinthu apa ntchakuti, ise tikutondeka kuzizipizga kuyezgeka. Ndicho chifukwa mabungwe ghithu ghangazizipizga yayi kuyezgeka. Ndi khumbo la Chiuta yayi. Ichi ndi, Chiuta wali kutumbika ichi, kweni ndi khumbo la Chiuta yayi. Chifukwa, wonani, imwe muli na gulu lose la wanthu umu na mulu wose wa zifundo, ndipo iwo wakuziwika pamoza ndipo wakupanga chiweme chomene icho iwo wangachita. Wanyake wa iwo wakuti, "*Uyu* ndi munthu mukuru. Imwe mungakana yayi mazgu ghake." Enya, umo ndimo mpingo wa Katolika uli kuwira bungwe, chinthu chenechira, pa gulu la wakugomezga wazeru za m'mutu. Wazeru za m'mutu, iwo wakuchiwona ichi, kulinganizga ichi na zinyengo. Imwe mungachita yayi icho. Chinyake chirichose ndi utesi kweni Mazgu gha Chiuta.

148 Abraham ntha wakalawiska pa chinthu chimoza kweni phangano la Chiuta. Kwambura kupwerera icho chikawako, iyo wakakhalirira na phangano la Chiuta.

149 Ntheura ndicho chifukwa ise ntha tikusanga wanandi. Bungwe lingatora yayi chipata cha murwani. Muli malingaliro ghanandi chomene ghawakawaka mkati mula.

150 Chikutorera munthu payekha, uyo wakutora chipata cha murwani. Imwe mungachita ichi usange imwe mukukhumba. Enya, bwana.

151 Tiyeni tiyezgepo wachoko, pa maminiti ghachoko, tiwone usange iwo wakakhala mu Malemba.

152 Sono, yikawapo nyengo kusika mu Babulone para kukaŵa—chikozgo chikakhazikiskika, chithuzithuzi chiweme cha mpingo wa Katolika, na wose awo ntha wakagwada ku chikozgo chira wakayenera kuwotcheka mu ng'anjo ya moto. Sono, uyu wakaŵa bechu, kwali iwo wakhalirirenge, para Chiuta wakati, "Imwe ntha muwenge na wachiuta wanyake padera pa Ine, panji

kupanga chikozgo chinyake cha chirichose.” Icho ndicho Chiuta wakayowoya. Bechu wakiza.

¹⁵³ Israel yose wakawira nkhanira penepapo. Ndipo para mbata yikati yalira, ndipo—ndipo banjo wakalira, ndipo—ndipo chitoliro chikalira, chifukwa, iwo wose wákawa pasi panthazi pa chikozgo ichi.

¹⁵⁴ Kweni pakaŵa wátatu wa iwo awo wákati, “Tichitenge chirichose yayi.” Iwo wákapulika Lizgu lichoko lapasipasi lira, ndipo iwo wákakhala mu mzere na Mazgu. Kasi iwo wákachita vichi? Wákakhala na Mazgu.

¹⁵⁵ Ndipo pamanyuma, iwo—iwo—iwo wákati, “Usange imwe muchitenge yayi ichi. . . Ise timupeninge mwaŵi unyake, panji ise timuponyeninge mu ng’ango ya moto.”

¹⁵⁶ Wákati, “Chiuta withu ngwamagomezgeko kutithaska ku ng’ango yira ya moto.” [Pa tepi palije kalikose—Munozgi] “Kweni, ndipouli, ise tikhalenge na Mazgu.”

¹⁵⁷ Sono, m’bale, ukuti uli iwe? “Kasi ine nichite vichi, M’bale Branham?” Khala na Mazgu. Khala na phangano. “Mpingo wane wose unirekenge ine.” Khala na phangano. Iwo wákwenera kuti wámare, fumapo waka dazi linyake, munthowa yiriyose. Kweni, Chiuta wachitenge yayi. Khala na phangano. “Enya, ine nkhekuphalira iwe, iwo wandichimbizenge ine.” Khala na phangano, chimozi mozi waka. Iwe khala waka na phangano. Sono, usange iwe ungakhala na phangano na kukhala penepapo, khala nkhanira na iwo penepapo.

¹⁵⁸ Yanjana na waliyose. Kweni sono apa, sono, iwe ntha uwojengepo munthowa yinyake yiriyose padera pa kuyanjana na waliyose. Iwe ukwenera kuchita. Sono, para iwo wáfika pa kuhenipa chomene, iwo mbazaghali, nthaura khala kutali na ichi. Uwo mbunenesko. Reka kunjira mu chigaŵa cha murwani. Kweni malinga iwe ukuyezga kumuwoja m’bale wako, icho ntchinyake. Mukuwona?

¹⁵⁹ Sono wonani, kweni iwe uthereskenge yayi fundo ya bungwe, munthu yumozza, yayi, bwana, para, iwo wáli na dango lawo lakukhazikika, “Ise tikugomezga *ichi*,” fulu sitopu. Usange iwe ungalembe chisambizgo chako, “Ise tikugomezga *ichi*,” koma, ichi chiwenge chakulekana. Fulu sitopu chikung’anamura, “Ise tikugomezga *ichi*,” ndipo iwe ukwenera kuti ufike ku *ichi* na kusayina pepela *ili*, panji ndicho chekha chiriko ku ichi.”

¹⁶⁰ Kweni usange imwe mukuti, “Ise tikugomezga *ichi*,” koma, “kusazgirako vinandi ivyo ise tingamanya kusambira kwa Chiuta. Ise tingapokera Mzimu Mutuŵa,” nthaura iwe ukurutirira, m’bale. Enya. Icho chiwenge chakulekana sono.

¹⁶¹ Kweni, iwe wona, usange iwe ukalembe ichi na fulu sitopu, ndipo Chiuta wakupereka chinyake chaphuka, ichi chasimikizgira kuti ndi Mazgu Ghake, Unenesko, iwe

ungasuntha yayi, chifukwa ndi “fulu sitopu.” Uyo wakujara ichi. Apo ndipo wa Lutera wakafwira. Apo ndipo wa Methodist wakafwira. Apo ndipo wa Baptist wakafwira. Apo ndipo wa Prezibetere wakafwira. Ndipo apo ndipo Pentekosite wakufwira. Uwo mbunenesko. Uwo mbunenesko. Iwo wakufwira nkhanira penepapo, laŵiskani waka, chifukwa ichi ndi—ichi chiri kulembeka kale. Kulije icho imwe—imwe mungamanya kusazgako ku ichi panji kufumyako ku ichi. Ichi ndi—ichi chiriko. Icho ndi chisambizgo chinu.

¹⁶² Wa Lutera wakazomera yayi kutuwiskika. Yayi, bwana. Iyo wakati, “Warunji wakhalirenge umoyo chipulikano.” Ntha Martin Luther; kweni gulu lira ilo likamurondezga iyo. Uwo mbunenesko.

¹⁶³ Ntha John Wesley; kweni gulu ilo likamurondezga iyo. Uwo mbunenesko.

Ntha Calvin; kweni gulu ilo likamurondezga iyo.

¹⁶⁴ Ntha John Smith wa mpingo wa Baptist, uyo wakaromba mwankhongono chomene, nyengo yausiku, mpaka maso ghake ghakatupa ghakajarika, kurombera mpingo wake; ndipo muwoli wake wakachita kumurongozga na kumuryeska na sipuni, pa thebulo. Ntha iyo; kweni gulu ili la wa Baptist ilo likumurondezga iyo, bungwe ilo likapangika kumanyuma kwake.

Ntha Alexander Campbell; kweni iwo weneawo wakamurondezga iyo.

¹⁶⁵ Ntha chakuchitika cha chipentekosite pa chiyambi, awo wakawa na vinthu vyose vyakugawana, ndipo wakayanjana na waliyose; kweni magulu agho ghakiza ndipo ghakati, “Yayi. Ise ndise *ichi*, ndipo ise ndise *ichi*. Ndipo *izi* ndi nkhani, ndipo icho ndi icho!” (“Kujipaturanga iwoŵene, mukawonekero wambula Chipulikano.”) Mbunenesko. Icho ndicho chikachita ichi. Apo pali chinthu chiheni. Amen. Ine nkhopulika usopisopi, mlenji uwu.

¹⁶⁶ Wana wa Chihebere, para iwo wakati wazizipizga kuyezgeka, kwali iwo wakhalenge na Mazgu gha phangano, panji yayi, iwo wakayezgeka. Ndipo kasi iwo wakachita vichi? Iwo wakatora chipata cha murwani. Amen. Chifukwa? Iwo wakakhalirira pa Mazgu.

Khalani na Mazgu, Lizgu lira la Chiuta ilo likuyowoya kwa imwe.

¹⁶⁷ Sono, chifukwa chose wakati, “Sono, wonani. Babulone, ichi chiwenge chakulekana yayi. Chifukwa, ise, para ise tikugwada panthazi pa chikozgo ichi, ise tikumusopa Chiuta, munthowa yiriyose. Enya, usange ise tikuchita ichi munthowa *iyi*, ise tikung’anamura ichi munthowa *iyi*.”

Chitani ichi umo Chiuta wakayowoyera.

168 Uli usange Chiuta wakati, “Moses, vura skapato zako, Moses. Iwe uli pa malo ghatuwa.”

169 Iyo wakuti, “Nkhumuwongani Imwe, Yehova. Ine nkhumomezga nadi mwa Imwe. Ine nivurenge waka chipewa chane, m'malo mwake. Ndi ntchito yikuru chomene kumasura skapato zane.” U-huh. Huh! Ichi nthena chikagwira ntchito yayi.

Iyo wakati, “Skapato.” Iyo nthu wakati “chipewa.” Mbunenesko.

170 Imwe mukwenera kuti mufike, mzere pa mzere, icho Chiuta wakuyowoya, na kukhala pa mzere na Mazgu Ghake.

171 Sono, para iwo wakati wayezgeka, iwo wakatora chipata cha murwani wa moto. Iwo wakasanga kuti, para iwo wakati waruta kufika ku umaliro, kukhalanga pa Mazgu gha Chiuta, iwo wakatora chipata. Uwo mbunenesko. Pamanyuma . . .

172 Daniel. Kukaŵa kulengeza uko kukachitika, ndipo kukazomerezgeka na Medes-o-Persia, uko nthena kukasinthika yayi, kuti, “Usange munyake wakaromba kwa chiuta munyake waliyose, rekani iyo waponyeke mu mphanji ya nkhamu.” Ndipo Daniel wakamanya kuti Mazgu gha Chiuta ghakaŵa ghakuti, timusope Iyo pera, ntheura iyo wakajura waka mawindo ndipo wakaromba munthowa yiriyose. Sono, iyo nthu wakaruta kuseri ku kona. Iyo wakajura mawindo kurazga ku tempile. Iyo wakaŵavve soni na ichi.

173 Ndipo ise tikukhumba yayi kuchita chisopo chithu pa Sabata, ndipo pa Mande kuchita chinthu chinyakeso. Panji, tikugomezga mu mtima withu chinthu chimoza, tikwiza panthazi pa munyake ndipo tikuti, “Enya, ine nkhamanya yayi. Enya, ine nkughanaghana kuti iwe ukuneneska.” Khala icho iwe uli. Iwe nthu, fumapo pa gome, fumamo mu tchalitchi. Uwo mbunenesko. Chifukwa, iwe ukwenera kuti uchite vyose viwiri. Khala icho iwe uli. Yowoya icho iwe ukugomezga, ntheura iwe ulije chakuti uyegamirepo. Iwe wayimirira ndendende pa uwo ndi unenesko. Waliyose wakumanya nkharo yako. Wanthu wakurumbenge iwe, munthu waliyose.

174 Mwanakazi wangamanya kuŵa waka muheni umo wose wakuchitira. Iyo panyake wangaŵa mukuru, wakatutuŵa, muchoko, musekere, wamutu ufipa, wamaso ghaswesi, wamaso gha blu, wamaso ghatuwurufu; limoza, larazga kunyake ndipo limoza kunyake. Kweni usange mwanakazi yura ngwakuphotoka, dona, kulije mwanarumi mu charu kweni kuti waŵavulirenge chipewa chake iwo, iyo wali na ukhaliro wa mwanarumi mwa iyo. Mbunenesko. Chifukwa, iyo—iyo wakuwoneska icho iyo wali, ndipo wanarumi wakurumba ichi.

175 Ntheura Chiuta warumbenge mwanarumi uyo waŵenge icho iyo wali, panji wanarumi awo wakuti Mbakhristu. Tiyeni tiŵe Mukhristu, wakuzuzgika na Mzimu Mutuŵa, na Mazgu gha

Chiuta, panji ruwaniko ichi. Mbunenesko. Chifukwa, munthowa yinyake, iwe ukuzgoka mupusikizgi, ndipo ukukhala umoyo wakulekana. Ndipo wanthu wakukuwona iwe ukuruta kuwaro uku ku madansi, na kukhweŵa, na vinthu ngati ivyo, ndipo ukuyowoya kuti ndiwe Mukhristu, pamanyuma, wona, iwe ukuŵika chikhuŵazgo mu nthowa ya wanyake.

176 Wonani wanakazi imwe, nyengo zinyake, umo iwo wakudumulira sisi lawo na kuvwara na kuchita para wavwara madiresi ghakale ghachoko agha, wakuwoneka ngati soseji yakotcha panji chinyake, na kurutanga kuwaro kula pa msewu, kwendanga, vikandiro pafupifupi ngati *ntheura*, kugwenyukanga mu msewu. Kasi icho nchipentekosite? Ntheura—mipingo yinyake yikuti, “Iwo wakuyowoya kuti iwo wali na chinyake icho iwo walije.”

177 Imwe mwadidimizgika ndipo mwalembeka na Mzimu Mutuŵa. Imwe nthu muli mu nyumba ya kuviniramo usiku uwu ndipo mwahagika mu mawoko gha mwanarumi munyake, uyo ndi mfumu winu yayi; usiku wakurondezgako, ndipo mukwiza ku tchalitchi ndipo mukuvina palipose pa malo. Icho ndi chipentekosite yayi. Uwo ndi upusikizgi. Uwo ndi ukazuzi.

178 Ine nthu nkhuwonyo chomene ichi kwa imwe. Kweni, imwe mukumanya, matepi agha agho ghakupangika kuno ghakuruta charu chose, ntheura ine nkhuwonyo ngati ghakuruta charu chose. Para ine nkhuwonyo Chiuta wakuti, “Yowoya chinyake,” ine nkhuwonyo waka ichi, chifukwa ine nkhumanya yayi uko ichi chikuruta. Icho chiri kwa Iyo kuti wapwererere icho. Khalani waka na Mazgu. Uwo mbunenesko. Viri makora.

179 Yayi, Daniel nthena wakagwada yayi ku kulengeza kwawo, kwali iyo wakaponyeka kuwaro kwa bungwe panji yayi. Iyo wakakhala nkhanira pa windo, ndipo wakakhala na Mazgu gha Chiuta. Iyo wakaŵavye soni na Ichi.

180 Kasi kukachitikachi? Iwo wakamuponya mu mphanji ya nkharumu, kweni iyo wakatora vipata vya mphanji ya nkharumu. Chifukwa? Uchindami! Chifukwa chakuti Chiuta wakayowoya kuti yake. . . “Mbewu yako yizamutora chipata cha murwani.” Kwali murwani ndinjani, imwe mwatora chipata. O, kasi ndi kalinga ise. . . ?

181 Muwoneni Moses, kurondezganga mu mzere wa marango gha Chiuta, wakaruta mu Egupto, chikawoneka ngati chirichose chikaŵa chakususka. Iyo wakaŵa na wakukopera wanyake awo wakaruta na iyo. Iyo wakaruta kula na viwiri vya—vya vimanyikwiro, kuti wawoneske kuti iyo wakatumika. Wakaponya pasi njoka, na vinyake ngati ntheura.

182 Ndipo apa wakwiza wakukopera kwenekula, wakaponya zawo pasi. Kasi iyo nthena wakachitachi? Palije. Chiuta nthu wakamuphalira iyo kuti iwo wachitenge icho. Iyo wakakhumbanga kuti wamuyezge Moses. Iyo wakaŵa Yumoza

Mweneuyo wakazomerezga Yane na Yambre kuti waponye pasi njoka zawo, panji ndodo zawo.

¹⁸³ Ntheura apo pakayimirira Moses mu mzere wa ntchito. Wakaponya pasi ndodo yake. Iyi yikazgoka njoka. Iyo wakati, “Laŵiska icho, Faro. Icho ndicho Yehova wane wakandiphalira kuti ndifike, nichite panthazi pako.”

¹⁸⁴ Faro wakati, “Zaninge kuno, Yambre na Yane.” Iwo wakaponya ndodo zawo pasi. Izi zikazgoka njoka, icho Moses wakachita.

¹⁸⁵ Kasi chisko chake chikachesama? Yayi, bwana. Iyo wakagomezga ndithu kuti Chiuta wakamutuma iyo. Iyo wakakhalirira na phangano lira. Ndipo kukachitikachi?

¹⁸⁶ Apo ndi penepapo iwe uli panthazi pa maungano ghanyake gha vidumbirano. Chisko chako chingamanya kuzgoka chiswesi, pachoko waka. Khala na Mazgu.

¹⁸⁷ Kasi kukachitikachi? Mbweni pa nyengo yimoza, vuve mukuru uyu wa Moses wakiza ndipo wakamirimitizga zose. Chiuta wakakhozgera. Pamanyuma pa kuyezgeka kwake, iyo wakati, “Ine nkhuKhumba iwe, na chimanyikwiro ichi, kuti uŵatore ŵana ŵara ŵafumeko kula. Ine nkhuKhumba kuti iwe uŵatume ŵawerere kukaya, uko ndi kwawo. Chiuta wafika kuno kuti wandiphalire, wakandituma ine kuno kuti ndiŵathaske iwo. Ine nkhuKhumba kuti iwo ŵawerere.” Iyo wakaponya yira pasi kula.

¹⁸⁸ O, kuyezgeka kukiza. Moses, kasi iwe uchitenge vichi, ng’anamuka, fumapo, kuti, “Enya, ine panyake nkhanangiska?” Yayi, bwana.

Moses wakayimirira nkhanira penepara, “Chiuta wakamutuma ichi.” Uchindami!

¹⁸⁹ Chiuta wakuyowoya chinyake, khala na Ichi. Palije kanthu kwali pakuchitikachi, khala na Ichi. Usange iwo wakusezga iwe ndipo wakuti, “Ise tikoleranengeko nawe yayi, tichitenge yayi *ichi*,” khala na Ichi.

¹⁹⁰ Moses wakakhalirira nkhanira na ichi. Kasi kukachitikachi? Iyo wakatora chipata cha murwani wake. Aleluya. Devulu wakati, “Ine niŵikenge Nyanja Yakufwa kunthazi kwako,” kweni iyi yikajurika. Iwo wakatondeka kuŵasunga iwo mu Egupto mwakurutirira. Iyo wakatora chipata cha murwani. Chifukwa? Chifukwa iyo wakakhalirira na kutuma uko Chiuta wakamupa iyo. Marango gha Chiuta, iyo wakakhalirira na Mazgu gha Chiuta ndipo wakatora vipata vya murwani.

¹⁹¹ Joshua, para iyo wakati wayendera mu kuyezgeka. Iyo wakaŵa kusika kula, panyake, ndipo wakayambuka Jordan, iyo na Kaleb, na ŵazondi. Para iyo wakati wafika kufuma ku Jordan, iwo wakafika ku Kadesh-Barnea. Ndipo iwo

wose wakati, “O, usange ise tiyambenge, icho chiphwasurenge mabungwe ghithu. Ise tinganjira yayi.”

192 Mzimu ula ukufwa yayi. “O, ise tingatora yayi Icho. Usange ise tikusambizga Icho ku wanthu withu, kasi ise tichitenge vichi? Ise mbwenu titorenge pafupifupi hafu wa madikoni, mu tchalitchi, wareke. Iwo wali kutorapo kawiri, katatu. Kasi ise tichitenge vichi? Ise, chifukwa, usange ise tikawaphalira wanakazi withu kuti iwo wasungenge sisi litali, imwe mukumanya icho iwo wachitenge? Iwo mbwenu wafumengepo pa mpingo. Ndipo kasi ise tichitengechi? Chifukwa, ise watighanaghanirenge kuti ndise wakachitiro kakale.” Yesu wakawa wakachitiro kakale, nayoso. “Ise tingachita yayi icho. Ise tingachita yayi icho. Ichi chatikulira chomene ise.”

193 Imwe mukumanya uko wakugomezga wa m’mpbaka wakufika. Wawebera, chipatulo 6, chikurongosora icho. “Iyo mweneuyo kale wakangweruskika, wakachetako vya Mzimu Mutuwa, pamanyuma wawa, kuti wajiwezgereso iyoumwene.” Iyo wakafika ku mpbaka kula ndipo wakakana kwambuka, ndicho ichi, wakakana kugomezga.

194 Chifukwa, kasi Kaleb wakachita vichi? Kasi Joshua wakachita vichi? Iyo wakati, “Ise ndise wakukwanira chomene kukatora ichi.” Chifukwa? Iwo wakakhala na icho Chiuta wakalayizga.

195 Chifukwa, iwo wakati, wanyake wara wakati, “Enya, iwo ndi watali watali. Iwo wali mkati mu linga. Iwo wali *ichi*. Chifukwa, ise tingawakhwaska yayi iwo, munthowa yiriyouse.”

196 Joshua wakati, “Ise ndise wakukwanira kuchita ichi. Khalani chete, mwa wanthu imwe! Chete! Khalani pasi!” Amen.

197 Ine nkhumuphalirani imwe, chipulikano chiri mu chinthu chikuru, para ichi chafika pa Mazgu gha Chiuta. Iyo walije mantha pa nyengo yira. Chipulikano chiri na sisi pa nganga, minofu yikuru. Ichi chikuti, “Khalani chete!” Chinyake chirichose chikubisama pa kona, uwo mbunenesko, para Chiuta wakuyowoya. “Imwe khalani mwa Ine, ndipo Mazgu Ghane mwa imwe, yowoyani icho imwe mukukhumba.” Apo imwe muli. O, ine nkchitemwa icho. Hum!

Viwanda vinjenjemenge, ndipo wakwananga
wawukenge;
Na chipulikano mwa Yehova chirichose
chigwedezgekenge.

198 Kasi imwe munga wa uli na chipulikano para mukumanya kuti imwe ntha mukugwira ntchito, mukwendanga mu Mazgu Ghake, para imwe mukumanya kuti kuli vinthu kula ivyo mukwenera kuti muyowoye ndipo ntha mukuyowoya ichi? Kuli vinthu kula ivyo mukwenera kuti musambizge ndipo mukusambizga yayi ichi. Kuli vinthu kula ivyo mungaviyowoya

yayi, ndipo kasi muwenge uli na chipulikano para imwe mukumanya kuti mwananga?

¹⁹⁹ “Usange mtima withu ukutisuska yayi ise.” Apo imwe muli. Apo imwe muli. Kweni khalani na Mazgu ghara, uko kulije chakususkika. “Kulije kususkika kwa iwo awo wali mwa Khristu Yesu, awo nthawakwenda mwakurongozgeka na thupi kweni mwakurongozgeka na Mzimu.” Mzimu ukurongozgeka na Mazgu, chifukwa Mzimu ukwiza kufuma ku Mazgu pera, chifukwa Mazgu Ghake ndi Mzimu. Ndipo Uwu ungachita pekhapekha... Mzimu weneko wa Chiuta uyowoyenge Mazgu gha Chiuta pera. O, mwe! Mwe, mwe!

Fumapo, charu. Satana, tileke ise.

²⁰⁰ Kuchita mantha yayi kuyowoya ku phiri ili, “Sezgeka.” Yowoyani ichi. Khalani penepapo, liwoneni ili likusweka. Uwo mbunenesko.

²⁰¹ Kweni imwe muli na kususkika kunyake kula, imwe ntchiweme—ntchiweme mukhale chete. Imwe mukubwebweta waka pamanyuma. Imwe mukuyowoya unenesko yayi. Imwe nthawakuyowoya vinthu ivyo mukwenera kuyowoya. Viri makora.

²⁰² Ise tikusanga pamanyuma kuti Joshua, para iyo wakati wayendera mu kuyezgeka kula, iyo wakauwona ukaboni wa charu chiweme, ndipo iyo wakayimilira kula pa Kadesh-Barnea ndipo wakadandaula kwimikana na wose iwo, ndipo wakati, “Ise ndise wakukwanira kutora ichi. Ise tingamanya kutora ichi.” Kasi fundo yikaŵa vichi? Kwambukira kusirya.

²⁰³ Kasi fundo ya Moses yikaŵa vichi? “Woneska chimanyikwiro ichi ndipo wafumiske kuwaro wana.” Ndipo kukawoneka ngati ichi chikatondeka. Kweni iyo wakakhilirira na Mazgu, ndipo chipata cha Nyanja Yakufwa chikamujanda yayi iyo. Iyo wakaruta wakayambuka iyi. Iyo wakatora chipata cha murwani.

²⁰⁴ Joshua, kulaŵiskanga pa phangano la Chiuta, wakati, “Ise ndise wakukwanira chomene kutora ichi.” Uwo mbunenesko. Ndipo para iyo wakati wafika ku Jordan, kasi iyo wakachitachi? Iyo wakapereka nthowa. Amen. Ndicho ichi. Iyo wakatora chipata cha murwani. Jordan yura wakamutondeskanga iyo kwambuka na kutoranga phangano lira. Kweni para iyo wakati wafika kula, iyo wakaŵa Mbewu ya Abraham. Chifukwa? Iyo wakagomezga Mazgu gha Chiuta. Iyo ndi nthowa yekha pera imwe mungamanya kuŵa Mbewu ya Abraham, ndi kugomezga Mazgu gha Chiuta. Ndipo nthoura kasi iyo wakachitachi para iyo wakati wafika uko iyo wakaŵa wakunozgeka kutora murwani? Chiuta wakajura chipata, ndipo iyo wakatora ichi, wakatora ichi, wakayambuka.

²⁰⁵ Para nkondo yakudankha, kukangana kwake kwakudankha uko iyo wakaŵa nako na iwo, viliŵa vikaŵa vikuru chomene mwakuti iwo wakamanya kuchitirapo

chipharizgano cha magareta pachanya pa ivi. Kasi iyo wanjirenge uli kuti waŵasange iwo? Iwo ŵakamuchimbira iyo, ŵakawerera mkati. Murwani wachitenge, nayoso. “Kweni iwe utorenge chipata cha murwani.”

²⁰⁶ Wakati, “Yehova, kasi ine ndichitechi?” Iyo wakayenda wakazingilira, kumuhanya umoza, kulingaliranga. Iyo wakawona Munthu wali na lupanga Lwake walisolora. Joshua wakasolora lupanga lwake, wakati, “Kasi Iwe ndiwe wa ise? Kasi Iwe ndiwe wa murwani withu?”

Iyo wakati, “Ine ndine Chirongozgi wa gulu ili.”

“Kasi ine ndichitechi?”

²⁰⁷ “Zingilirani uwu, kukwana satini. Lizgani mbata. Imwe mutorenge chipata cha murwani.”

²⁰⁸ Uwu ukawa. Enya, bwana. Chifukwa? Iyo wakaŵa Mbewu ya Abraham, uyo wakasunga Mazgu gha Chiuta. Iyo wakatora chipata chirichose icho chikiza kwa iyo. Nadi.

Nyengo yikumara. Ine nkhuenera kuti ndilekezge.

²⁰⁹ Wonani, ngwazi zose izi zakuzirwa, ndiri na peji lakuzura na izi nalemba apa. Kweni ngwazi zose izi zakuzirwa, vinthu ivyo izi zikachita, paumaliro izi zikafwa.

²¹⁰ Kweni pamanyuma kukiza Mbewu yeneko ya chipulikano, Mbewu Yaufumu ya Abraham, Yesu, phangano. Abraham wakababa Isaac, muneneska, wa kuthupi, kweni Mbewu yeneko ntha yikaŵa mu ndondomeko yira ya bungwe. Yikaŵa mu phangano lira la Mazgu gha Chiuta, kuti Iyo wamupangenge iyo dada wa mitundu, ntha kwizira mwa Isaac, kweni kwizira mu Mbewu Yaufumu, Yesu. Yira yikaŵa Mbewu Yaufumu, yeneiyo, nadi, ndi Mbewu ya Abraham, Yesu, ntha wakaŵa Muyuda, nesi Iyo wakaŵa Wamitundu. Iyo wakaŵa Chiuta. Mukuwona? M. . .

²¹¹ Imwe ŵa Katolika muno, watumbike mtima winu. Kweni para imwe mukumusopa Mariya ngati chiuta mwanakazi, kasi suzgo ndi vichi na imwe, munthowa yiriyose? Mariya wakaŵa chinyake yayi kweni mwanakazi. Chiuta wakamusankha iyo. Iyo wakaŵa chakukonkhomoreramo. Mbweni kwamara. Chakukonkhomoreramo, icho ndicho mwanakazi wali, kweni iyo ngwakulumikizana na mbewu ya mwanarumi.

²¹² Kweni, ili ndi gulu lakusazgikana, kweni ine nkhuenera kuti niyowoye ichi mwakuti imwe mupulikiske icho ine nkhuwoyoya. Sono, imwe mukutegherezga kwa winu—dokotala winu, ndipo ine ndine m’bale winu. Nadi, imwe mungachita.

²¹³ Mariya wakaŵavaye ufu wa m’maluŵa mwa Khristu. Pakaŵavaye kapulikiro ka kugonana para Mzimu Mutuŵa wakati wamuphimba iyo, napachoko pose. Kweni Chiuta Mwenenkhongono, Mlengi, wakalenga chiduswa cha Ndopa na ufu wa m’maluŵa. Hum! Usange ukaŵa ufu wa m’maluŵa kufuma kwa Mariya, ipo ŵakufwa ŵaukenge yayi.

Uchindami! Icho chafika waka chafureshi. Ine nachikora waka icho.

²¹⁴ Ntheura usange imwe mukuti palije mphambano, icho ise tikuchita, ipo ntchifukwa uli Chiuta wakatiphalira ise kuti tipatukeko ku vinthu viheni? Ntchifukwa uli Chiuta wakauska thupi la Yesu, usange kuli ntheura yayi? Ntheura, imwe wonani, wangaŵako yayi mwanakazi wakulumikizika mu ichi. Usange wakaŵako, ipo thupi Lake likapangika na mama Wake, Mariya, chifukwa iyo wakaŵa na kugonana pakuchita kuphimbika na mzimu uwo ukamupangiska iyo kuti—kuti wafumiske wanarumi, ndipo uwu mbutesi. Mzimu Mutuŵa, mwa kutora nthumbo kutuŵa, aleluya, kula Iyo wakalenga vyose nyongolosi ya mwanarumi na mwanakazi.

²¹⁵ Kasi Yesu wakamuchema iyo “mama”? Sangani ichi mu Malemba. Iyo wakamuchema iyo “mwanakazi.” Aleluya! Mwanakazi! (Icho ntchafureshi. Ndicho chifukwa ichi chikuchita umo ichi chikuchitira.) “Mwanakazi, wona mwana wako.” Makilomita mamiliyoni kufupi na iyo kuruska umo Iyo wakaŵira.

²¹⁶ Iyo wakaŵa Chiuta. Iyo nthā wakaŵa Muyuda nesi Wamitundu. Iyo wakaŵa Chiuta, vyose munofu na thupi, Chiuta kukhalanga mwa Iyo. Chiuta kukhalanga mu nyongolosi ya mwanakazi? Nthena wakachita yayi ichi. Nyongolosi yira ya mwanakazi yikayenera kuŵa na chinyake chakuchita na thupi lithu. Kweni zikaŵa Ndopa kusazgirako nyongolosi, izo Chiuta wakaphimba.

²¹⁷ Iyo nthena wakaŵika ichi pa chisinkha usange Iyo wakakhumbenge kuchita. Enya, bwana. Iyo nthena wakaŵika ichi palipose apo Iyo wakakhumbenge.

²¹⁸ Kweni Iyo wakauyegha uwu chifukwa mwanakazi pakuŵa mu kuwa. Kula kukababika Mwana mutuŵa wa Chiuta wamoyo, wakalengeka, wakubabika na mwali, vyose thupi na uzima.

²¹⁹ Ntchifukwa uli David wakati, “Ine nizakumuwona yayi Wane Mutuŵa . . . kuzomerezga Yumoza Wane Mutuŵa wawone chivundi, Yumoza Wane Mutuŵa wawone chivundi. Nesi Ine kuwusida uzima Wake mu gehena”? David wakayowoya icho. Mukuwona? Vyose uzima, thupi, na mzimu, vikalengeka na Chiuta, mwa Iyo.

²²⁰ Mwanakazi nthā wakaŵa mama, wakaŵa mwanakazi. Ine nkhubomezga iyo wakaŵa muweme, mwanakazi mutuŵa, wakufikapo. Iyo nthā wakaŵapo chakukonkhomoreramo, Chiuta nthena wakasankha chakukonkhomoreramo chakubinkha yayi. Para Fumu yazomerezga, ine nipharazgenge pa icho usiku uwu. Kweni—kweni wakati, “Chakukonkhomoreramo chakale chakubinkha kuti chibabe Wake—kuti chibabire Mwana Wake ku charu chapasi? Iyo wakasankha mwali, wambura kumanya mwanarumi.” Nesi

iyu wakathira nyongolosi yiriyose, panji chinyake chirichose, para Mzimu Mutuŵa wakamuphimba iyo, chifukwa, Chiuta, mu yakutowa Yake, nthowa yambura malire, wakalenga mwa iyo, uzima, thupi, na Mzimu wa Yesu Khristu. Uwo mbunenesko. Iyo wakaŵa Mwana wa Chiuta wakubabika na mwali.

221 Kasi chira chikachita vichi? Ichi chikaswa chipata cha murwani. Aleluya! Whii! Ichi chikufika pa kupulikikwa makora, kwa ine. Wonani. Chifukwa? Iyo wakaswa chipata cha murwani nkhanira penepara, kuti munthu waliyose uyo wali kubabika mu charu ichi kwizira mu chilakolako cha kugonana, kuti wanganuta yayi Kuchanya chifukwa kugonana ndiko kukayambiska ichi mu mtendeke, mu munda wa Eden, rekani iwo ŵakajibenekerera iwoŵene. Para Iyo wakati wachita chira, Iyo wakaswa chinthu chira paŵiri nkhanira mwenemula, ndipo wakatora chipata cha murwani. Na vichi? Kutoranga Mbewu Yaufumu ya Abraham, pa nyengo yakudankha, ndipo wakavikita iyi kufika pasi. Mbewu Yaufumu ya chipulikano na phangano, ntha kutora nthumbo kwa Mariya, kweni kufuma kwa Chiuta, wakaswa vipata. Icho, chikuzomezga munthu kuti wajumphe pa chipata. Uchindami kwa Chiuta!

222 Kasi Iyo wakachitachi? Pamanyuma wakatora vipata vyose vya murwani. Iyo wakatora chipata cha urwari. Urwari ukawoneka yayi mu Kuŵapo Kwake. Yayi, bwana. Nesi chinyake chirichose chikawoneka mu Kuŵapo Kwake. Mwambo wa nyifwa ukayima yayi mu Kuŵapo Kwake. Yayi. Kasi Iyo wakachitachi?

223 Joshua wakafwa. Moses wakafwa. Ŵanyake wose ŵa iwo ŵakafwa, kweni ntha Mbewu iyi Yaufumu. Nyifwa nthena yikayima yayi apo pakawo Umoyo.

224 Mwanakazi yura kufuma ku Nayini, wakwiza wali na mnyamata wake. Wakayimirira ndipo wakati, “Uka, wamwana.”

225 Msungwana yura uyo wakafwa, mwana wa Yayiro, Iyo wakayowoya mazgu kale chomene mu charu chachilendo kuwaro kula, ndipo wakati, “Msungwana, uka.”

226 Lazaro, wakafwa mazuŵa ghanayi ghajumpaha ndipo thupi lake likavunda, ndipo uzima wake ukaŵa kutali na ili, mazuŵa ghanayi. Iyo wakati, “Lazaro, uka.” Uchindami!

227 Iyo wali apo. Kasi Iyo wakachitachi? Iyo wakadumura vididimizgo vya chirichose. Aleluya!

228 Para Iyo wakayenera kuti wafwe nyengo yira, Iyo nthena wakausunga yayi umoyo ula. Iyo nthena wakafwa yayi, kweni Iyo wakenera kuwupereka umoyo ula. Ndipo para Iyo wakati waupereka umoyo ula, Iyo wakafwa nyifwa. Ndipo uzima Wake wakuzirwa, umo Baibolo likayowoyera, ukaruta ku gehena, kuti ukatore malo ghane na malo ghinu. Mbewu Yaufumu ya Abraham! Vichi? Iyo wakaŵa Mbewu Yaufumu. O, uchindami!

229 Sono ise ndise Mbewu Yaufumu, vichi, iyo yikukhala na Mazgu, nkhanira ndendende ngati ndiumo Iyo wakaŵira. “Pakuti mu mtendeko mukaŵa Mazgu, ndipo Mazgu ghakaŵa na Chiuta; ndipo Mazgu, ghakazgoka thupi, ndipo wakakhala pamoza nase.” Kasi imwe mukuwona yayi uko Mbewu Yaufumu yiri? Mbewu Yaufumu ndi yira yeneiyo yikukhala na Mazgu.

230 Imwe ŵakufoka mwaŵeneimwe mukukhumba kulekerera na devulu, na mafashoni ghake gha charu. (Ine nthā nkhuoyoya kwa imwe muno.) Kuwaro kula, imwe ŵapharazgi mwaŵeneimwe mukumanya kuti mukupharazga kuti mazuŵa gha minthondwe ghali kujumpha, imwe mukupharazga kuti kulije chinthu ngati ubapatizo wa Mzimu Mutuŵa, soni kwa imwe, ndipo mukujichema mwaŵene Mbewu ya Abraham.

231 Mbewu Yaufumu yikukhala na Mazgu. Mbewu Yaufumu, nthā yakubabika na mwanarumi, yirije chakuchita na mwanarumi panji mwanakazi. Mwanakazi ndi mpingo; yirije chakuchita na mpingo. Mariya wakaŵavye chakuchita na Mbewu. Nesi mpingo, bungwe lakuchemeka nthēura, liri na chirichose chakuchita na Mbewu. Iyi njakubabika na vichi? Nthā na bungwe, nthā Methodist, Baptist, Prezibetere, Katolika, Lutheran, yinyake nthēura.

232 Kweni, njakubabika na Mbewu Yaufumu ya phangano la Chiuta, uyo ndi mweneuyo wakutora chipata cha murwani. Ichi wali kumutorera kale iyo. “Pakuti usange imwe mukukhala mwa Ine, ndipo Mazgu Ghane mwa imwe, rombani icho imwe mukukhumba, ichi chichitikenge kwa imwe.” Apo imwe muli. Ili ndi phangano. Ichi chiri kuchitika kale.

233 Uzima wake wakuzirwa ukakhirira mu gehena, uko ine nkhyenera kuruta. Kweni pa dazi lira lachitatu... Samson wakunyamura chipata cha msumba pa msana wake, wakaŵavye chakuchita na ichi. Iyo wakatora vipata vya gehena, vipata vya dindi, na chinyake chirichose. Iyo nthā wakaruta kukwera nacho pa phiri, kweni Iyo wakaphasura ichi. Aleluya! Iyo wakatora chipata cha murwani.

234 Milengalenga iyo yikazura na nkhangono ya devulu, kuchanya, mwakuti Wangelo panji chinyake chirichose ŵakamanya kukhira. Kuŵeyerera pakaŵavye, chifukwa ndopa za mbuzi nthēna zikawuskapo yayi kwananga. Kweni Ndopa Zake yekha zikawuskapo kwananga.

235 Ndipo Iyo wakakwera Kuchanya, wakarongozga ŵamikoli umikoli. Iyo wakapereka vyawanangwa ku ŵanthu. Sono, waliyose wa Mbewu ya Abraham uyo ngwakunozgeka kulipira mtengo, kuti wafike na kurapa zakwananga zawo, kubapatizika mu Zina la Yesu Khristu kuti zakwananga zinu zigowokereke, muzuzgikeso na Mzimu Mutuŵa, na kuzizipizga kuyezgeka.

236 Ndipo para iwo ŵafumyamo charu mwa imwe, vinthu ivyo vyamara, chirichose icho ntchakwanangika, chirichose

icho chikuwoneka chakwanangika, ngati wanakazi na sisi lawo, wanarumi na kuchitanga kwawo kuheni, na mipingo na mabungwe ghawo, na—na mliska uyo wazomerezgenge madikoni ghake, na—na mitundu yose yira ya vinthu. Vinthu vinyake vya charu vikunjira mwenemula na kupangiska mliska mukavu, kumuchimbizga iyo mu mpingo.

²³⁷ Rutirira, mliska. Chiuta wakitumbike iwe. Khala nkhanira na Mazgu. Kutora kalikose yayi.

²³⁸ Iyo wakakwera Kuchanya. Kasi Iyo wakachitachi? Iyo wakajura khululu, chipata, kuti, lurombo la Mbewu iyi ya Abraham. Chifukwa? Chifukwa? Usange ise ndise Thupi la Khristu, usange ise ndise wakufwa, ise tikujitora tawene wakufwa na wakusungika mwa Khristu, ndipo tikauka pamoza na Iyo mu chiwuka. Iyo ndi Mutu wa Thupi. Uko Mutu uli, Thupi liri na Uwu. Ndipo nthaura, mlenji uwu, uko kuli waliyose uyo wakachita icho, “wakhala na Iyo mu malo gha muchanyachanya,” na Mbewu Yaufumu. Warumbike Chiuta.

²³⁹ Kulije vipata. Imwe mungapemphera yayi kufika *uku*, na kuti, “O, o, *kula kuli* mazgu.” U-huh. Iwo wakukukankhira kutali, nkhanira kula.

²⁴⁰ Kweni usange mtima withu ukutisuska yayi ise; usange ise tikumanya kuti tikwenda mu marango gha Chiuta; ise tikuwona maumoyo ghithu ghakutozgeka; ise tikuchiwona ichi; Lizgu lililose ilo Chiuta wakalangura, ise tikusunga Ili; nthaura vipata vya murwani waliyose vikutoreka. “Nthaura rombani icho imwe mukukhumba, ichi chichitikenge kwa imwe.” “Iyo wazamutora chipata cha murwani wake.” O, m’bale, kasi uwenge mpingo uli!

²⁴¹ Para ine nkhwizaso ku Phoenix, usange Fumu yindizomerezgenge ine, ine nkhuomezga, para ine nkunjira mu kachisi uyu, kuti mabenchi agha ghazamkuwa mu mzere, ndipo benchi lililose mu mpingo wa Ivangeli lathunthu mu msumba uwu lizamuzura na watuwa wa Chiuta wamoyo: kuwoneka ngati Mukhristu; kuyowoya ngati Mukhristu; kuchita ngati Wakhristu; na Mzimu wa Chiuta kwendanga pakati pawo, kwenekuko, usange yumoza wangananga, Mzimu Mutuwa uvumburenge ichi nkhanira penepapo.

²⁴² Uwu uchitenge ichi. Imwe mukuchiwona ichi mu mzere wa pemphero, ngati pachanya apa pa guwa. Uko, ukuti, “Iwe urute kula ndipo ukanozge icho na mfumu wako. Ruta, ukamuphalire muwoli wako kuti iwe wanguwa kuwaro, usiku wa juzi, na wanakazi yura, ukakhala pa malo *ghakuti-ghakuti*.” Usange Uwu uchitenge ichi pano, pakuchita kwenda mu Mazgu, kutegherezanga ku Lizgu lichoko lira lapasipasi, Uwu uchitenge ichi mwa imwe. Imwe ndimwe Mbewu ya Abraham. Nthaura, mulije kwananga.

²⁴³ Mupharazgi, kasi iwe ungamwa yayi kuwona icho mu mpingo wako? Kunjira mu tchalitchi ili, na kulawiska kujumpha

uku, kuwona wose wânarumi na wânakazi, wâuchiuta, wâtuwâ, wâkhala nkhanira uko wakuzura na nkhangono ya Chiuta. Kwananga kunganjiramo yayi. Munthu wakunjira ndipo wakukhala pasi, Mzimu ukunyamuka ndipo ukuti, “John Jones, iwe ukufuma *kwakuti-na-kwakuti*, msumba, malo *ghakuti-ghakuti*. Iyo wali muno kuti wasange machirisko gha thupi lake. Mukuwona? Iyo wakachita chinthu chinyake *chakuti* pa malo *ghanyake*. Iyo wakachita *ichi*, ndipo iyo wakutora, wakwenera kuti wakawezge *ichi*, wakanozge *ichi*, ntheura Chiuta wamuchizgenge iyo ku kansa yira. NTHEURA WAKUTI YEHOVA.” Mwe, mwe!

²⁴⁴ Ndipaseni mpingo, ndipaseni wânarumi teni, wakuzu- . . . , vitoweskeru vyeneko vya Chiuta, Mbewu Yaufumu, wikani wânarumi wâra pamoza, ndipo wonani icho chichitikenge. Ndipaseni banja lichoko ili la wânthu ngati ntheura, ndipo ine ndimuwoneskeninge Kuwâra uko charu chichimbirirengeko. Uwo mbunenesko. Icho ndicho Chiuta wakukhumba kuti ise tiwê. “Imwe ndimwe msumba wakukhala pa phiri.” Imwe ndimwe Mbewu Yaufumu ya Abraham. “Iyi yizamutora chipata cha murwani wake.”

²⁴⁵ Urwari, chiriko chakwambiska urwari. Chiripo chakwambiska vintu ivi. Ndipo Chiuta, Mzimu Mutuwâ, wali muno kuti wavumbure chinthu icho na kumuphalirani imwe chifukwa icho imwe mukupokera yayi ichi. Kasi suzgo ndi vichi na ise? Ise ntha tikwenera kuzukuma, “Kasi Uwu uchitengechi?” Uwu ukuchita kale ichi. Kasi imwe mukuchitachi?

²⁴⁶ Muwoneni muprofeti yura. Iyo ntha wakategherezga ku mphepo yakuputa, “Uchindami kwa Chiuta! Aleluya!”

²⁴⁷ Icho ntchiweme. Sono, kumbukirani, ine nkhususka yayi icho. Ine nkbugomezga kuti waliyose wakupulikiska icho. Muniyake wakati, “M’bale Branham wakugomezga yayi mu kuyowoya kuti, ‘Uchindami kwa Chiuta! Aleluya!’” Enya, lawiskani kwa ine uku sono. Ine nkbugomezga mu kuchemerezga, kuyowoyanga malilime, kuvinanga mu Mzimu.

²⁴⁸ Kweni, m’bale, para iwe ukutondeka kupulika Lizgu lichoko lira lapasipasi la Mazgu, icho ndi chinthu icho chikukukopa iwe. Icho ndicho chinthu.

²⁴⁹ Eliya wakamanya chisisimuso chose ichi chikachitikanga kuwaro. Kweni iyo wakaŵa. . . Ichi ntha chikamukopera iyo ku ichi. Kweni para iyo wakati wapulika Lizgu lichoko lira lapasipasi la Chiuta, ntheura iyo wakakopeka. Ndipo iyo wakabenerera chisko chake, wakafuma. Chifukwa? Eliya wakaŵa Mbewu ya Abraham, wakarondezanga Mazgu.

²⁵⁰ “Usange imwe mukukhala mwa Ine ndipo Mazgu Ghane mwa imwe, ntheura rombani icho imwe mukukhumba, ichi chichitikenge kwa imwe.”

Tiyeni tisindamiske mitu yithu pa kanyengo waka kuti tirombe.

251 O, mpingo, umo, para ine namalizga kupharazga ngati ntheura, umo ine nkhopulikira! Mzimu ukufumako kwa ine, ndipo ine nkhuławiska kumanyuma, ine nkhuławona wanthu awo nadi wangamanya kunjira mu thumba lawo na kutora chakurya ku wana wawo, kuti wapereke ichi kwa ine. ine nkhuwona wanakazi wachokowachoko mkati muno, panyake na sisi lifupi, kasi iwo wachitengechi? Iwo mbwenu wanichitirenge chirichose mu charu icho iwo wangamanya kuchita. Mwanarumi kukhalanga na muwoli ngati ntheura, ndipo ine nkhumuchekanga waka mu viduswa na Mazgu ghara, kumupweteka, njuwi yake yikuwa pasi, ndipo kweni munthu yura warutenge kuwaro uku na kukateweta, na kunitumira vyakhumi vyake. Uwo mbunenesko. Ntheura ichi chikundipangiska ine kupulika soni, kuwereraso ku thupi pamanyuma, imwe wonani, “Kasi—kasi ine nanguyowoya vichi?” Ine nthā nkhang’anamura kumupwetekani, viri ntheura yayi.

252 Kweni, o, m’bale, na mlongosi wane muchoko wakutemweka na m’bale, usange agho ndi Mazgu gha Chiuta, ndipo uwu ndi Mzimu Wake kupanga Mazgu ghara kuti ghazgoke umoyo, kwa iwe, kasi kuzamkuwa uli pa Dazi la Cheruzgo? Ine nkhuyezga kukunozgekereska iwe ku dazi lira. Chonde, chonde tora waka Mazgu Ghake. Usange ine nkhopharazga chinyake icho nthā ndi Mazgu, phangano la Chiuta, ntheura imwe muli na mazaza kwiza kwa ine. Kweni agho ndi Mazgu. Ndipo ndi chifukwa chakuti ine nkhumutemwani imwe.

253 Nthā ndi chifukwa chakuti ine—ine nkhumukhumbani yayi imwe mu boti. Ndi chifukwa chakuti boti limuyambuskeninge yayi imwe. Imwe muzamuchita ngozi, limoza la mazuwa agha.

254 Imwe mukwenera kuti mufike ku Cheruzgo. “Kususkika pa vichoko ndi kususkika pa vyose.” Ndipo para imwe mwamanya chinyake ndi chakwenera kuti muchite ichi, ndi Mazgu gha Chiuta na phangano kuti muchite ichi, pamanyuma imwe mukuchita yayi ichi, ntheura kasi mukuti vichi za ichi? Imwe muzamufumbika kuti mupereke chifukwa, kwakhala vichi? Para Uthenga uwu mlenji uwu ukukumana nawe kula pa sikirini, pa Dazi la Cheruzgo, wamkuti vichi? Ghanaghanani za ichi, wabwezi. Imwe panyake mungafwa pambere dazi lندانjire. Ise tose panyake tingafwa. Ndipo chinthu chimoza nkhumanyisiska, imwe mufwenge.

255 Ine nkhayimirira dazi linyake kulaławiskanga amama wane, ine nkhaławapakata pa woko lane. Ine nkhapakata adada wane kale viwi yayi kumanyuma, ndipo nkhaławawona iwo wakuruta.

256 Ine ndiri kuławawona iwo wakufika ku umaliro wa msewu, awo wakaghanaghana kuti iwo wakawa makora chomene.

Mukuti, “O, M’bale Branham, o, usange ine ningakhala waka wamoyo nyengo yitali pachoko!” Nyengo yamara chomene. Ndipo kumbukirani, nyifwa yikusintha uzima yayi, iyi yikusintha waka malo ghake ghakukhalapo. Ndipo usange imwe mukuwona kuti chinyake mkati mwinu, chikuwoneka chiweme sono, usange mukuwona kuti chinyake mkati mwinu chikumupangiskani kuchita mwantheura umo ndipo mukuchipulika mwantheura umo, ngati ndiumo mukwenera kupulikira yayi, rapani mlenji uwu. Uchitenge iwe, mubwezi? Zanga. Uwe...Iwe ntha ukwenera kuwa ngati ntheura. Iwe ndiwe munthu wachitima. Khala umoyo waunenesko wa Mbewu Yaufumu. Chiuta wakukukhumba muhanyauno.

²⁵⁷ Uli iwe ukwezge woko lako, apo mutu wako ngwakusindama, na mtima. Yowoya, “M’bale Branham, ine nkukwezga woko lane kwa Chiuta. Mu unenesko, kufuma mu mtima wane, icho ndicho ine nkukhumba kuwa. Icho nadi ndicho ine nkukhumba kuwa. Ine ndiri—ine natimbanizgika kuwaro uku na chinyake chirichose, kweni nadi ne—ine nkukhumba yayi kuwa ngati ntheura. Ine nkukhumba kuti ndiwe icho iwe wakhala ukuyowoya mlenji uwu. Mundirombere ine, M’bale Branham. Ine nkukwezga mawoko ghane kwa Chiuta, ntha kwa iwe, M’bale Branham, kweni kwa Chiuta. Ndipo mu mtima wane, Iyo wakuwumanya mtima wane, ine nkukhumba kuti ndiwe Mukhristu wa mtundu uwo iwe ukuyowoya, Mbewu Yaufumu ya Abraham, kwizira mwa Yesu Khristu.” Kwezga woko lako sono ndipo yowoya, “Ine ndi... Mundirombere ine, M’bale Branham.” Chiuta wakatumbike iwe. Chiuta wakatumbike iwe. Nadi Iyo wakuchitirenge iwe.

²⁵⁸ Wadada withu Wakuchanya, mu Kuwara kwa Mazgu Ghinu, mu nkhangono ya chiwuka Chinu! Ndipo ine namanya, Fumu, kuti wanthu wakavu nyengo zinandi wakatimbanizgika kuwaro uku, kwizira mu vyakupa... Wanthu wakumanya yayi chakuti wachite; yumoza wakwiza, wakuyowoya chinthu chimoza; ndipo yumoza wakwiza, wakuyowoya chinyake.

²⁵⁹ Ndipo kuno mu Phoenix, msumba ukuru uwu wa—wa, enya, walendo, uko chirichose kufuma charu chose chikunjira mu uwu, vyose vyakuthupi na vya kuuzimu. Nkhayimirira pa phiri, dazi linyake, na kughanaghananga kasi ndi kalinga Zina la Chiuta likugwiriskika ntchito pawaka mu dazi kusika uku, kasi ndi vigoloro vilinga vikuchitika, kasi ndi kwananga kunandi uli na ukazuzi mu misewu kuno, na malo ghakumwerako mowa na walowevu, na chirichose, wanandi wa iwo wakuyowoyanga kuti mbakugomezga, Mukhristu!

²⁶⁰ Wanakazi kwendanga mu msewu, na ndudu mu woko lawo. Kwendanga wavwara malaya ghauzaghalu, penepapo Imwe mukayowoya kuti ichi chikununkha panthazi Pinu, “Uwu ndi ukazuzi,” ngati chakale, chakubinkha, chiheni, malo ghakutundako matuzi ghakununkha kumalo kunyake. O Chiuta,

kasi mwanakazi uyo wakuyowoya kuti wali na Mzimu Mutuwa wachitenge uli chinthu chantheura, ndipo wakumanya kuti mu mphuno ya Muponoski, icho chikununkha ngati ntheura, kununkha? Kasi Iyo waŵenge nacho uli chinthu chantheura mu Ufumu Wake? Wadada, usange iwo wakamanyenge, iwo wali makilomita mamiliyoni kutali na Uwu.

²⁶¹ Ine nkhuromba, Chiuta, mutilengere lusungu. Kulije munthu wakukhumba kuti warute ku vigaŵa vira vya wakutayika. Kulije munthu wakukhumba kuruta kusika kula, Wadada. Chikhale kutali ichi na waliyose wa ise. Kweni mkati mula muli mtima uweme mwa munthu yura, mwanarumi yura, mwanakazi yura, mwanarumi panji mwanakazi uyo ngwachitemwa ndipo muweme na wachisungusungu, ndipo iyo wanyengeka waka na devulu. Devulu wachita icho.

²⁶² Satana, ine nkhwimikana nawe, chifukwa ndiwe murwani wa Fumu yane. Iwe ndiwe murwani wa Mazgu Ghake. Ndipo ine nkukulungura iwe, mwa Yesu Khristu, Mwana wa Chiuta, ngati munthu muthupi, kumanyanga kuti ndirije nkhangono mwa ndamwene. Ine ndirije nkhangono kukulekeska iwe. Ine ndirije nkhangono kupanga wanakazi wanyake aŵa kuti waphotoke, wanarumi wanyake aŵa, awo wakutegherezga ku tepi iyi, panji—panji kulikose. Ine ndirije nthowa yakuwapanga iwo waphotoke. Ine ndirije nkhangono. Kweni ine ndiri na mazaza gha Mazgu gha Chiuta, ngati muteweti, kuti ndipharazge Uwu, ndipo ndiri wakukakamizgika ku mazaza agho. Nesi wapolisi uyu kuwaro uku wali na nkhangono kuyimika galimoto, kweni wali na mazaza kuchita ichi.

²⁶³ Ndipo, Satana, iwe panyake ungamanya kuyamba kulizga mabureki ghako, chifukwa ine nkukulungura iwe, mwa Yesu Khristu, kuti iwe uwamasule wanthu aŵa, charu chose, kulikose uko Uthenga uwu urutenge. Wamasule iwo. Ine nkhuwapokeska iwo, kuti iwo mbakugulika. Iwo wali wekha yayi. Iwo mbakugulika na mtengo, iwo ndi Mbewu Yaufumu ya Abraham, Fumu Yesu.

²⁶⁴ Iwe mukazuzi, wakubinkha, mupusikizgi wakununkha, nyenga wa wanthu, ukuwarongozga iwo mwachiburumutira kunjira mu mabuwu gha gehena, wamasule iwo. Ine nkukulungura iwe, mwa Chiuta wamoyo, kwizira mu Sembe ya Mwana Wake, Yesu, kuti iwe uwamasule iwo, mwakuti mauzima ghawo ghakhozgeke na thumbiko Lake na Kuŵapo Kwake, mwakuti iwo wangamanya kutora chipata cha murwani waliyose. [Pa tepi palije kalikose—Munozgi] Iwe waŵapanga iwo kulindizganga *ichi*, *icho*, panji *chinyake*, panji kukhwaskika kunyake kutuwa, panji chinthu chinyakeso, kweni ine nkhuwowyoya kuti iwe urutirirenge yayi kuwakakirira.

²⁶⁵ Kasi urwari uyimenge uli mu kuphakazgika ngati uku? Kweni para iwo wakana kulawiska kula ku phangano ngati

ndiumo dada Abraham wakachitira, para iyo wakamuwona Iyo mu chithuzithuzi virimika mahandiredi patali, wakwiza.

266 Wamasule iwo. Mu Zina la Yesu Khristu, zomerezga wanthu aŵa waturenge.

267 Mphanyi nkhongono ya Chiuta, kapulikiskiro ka Mazgu, apo iwo wakuchapika mlenji uwu na Agha, mphanyi kapulikiskiro ka kusungiriranga Mazgu gha Chiuta na mapangano Ghake ghaneneska, kungangamika uko kungaphwasuka yayi na Satana. Mphanyi waliyose yumozayumoza wakoreske ku phangano lira, kuti, “Ichi ndi Ichi. Ine nakoreska ku Ichi. Chiuta wakapanga phangano. Ine ndine mbewu ya Abraham. Kasi ine nikayikenge uli phangano Lake?” Ndipo rutaninge munthazi, kwizira mwa Yesu Khristu, Fumu yithu. Amen.

Ine nkhumutemwa Iyo . . .

268 Uwu wakhala ukucheka mlenji uwu, wabwezi. Tiyeni timusope sono mwakukondwa.

Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

269 Kasi chingaŵa chamachitiko, nthu kunyoza, yayi nadi . . . Uwu ndi—ndi usopisopi. Tiyeni tikwezge mawoko ghithu kwa Iyo ise tikumutemwa. Ndipo tiyowoye:

Ine nkhumutemwa Iyo, ine nkhumutemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

270 Sono, ku mwanakazi waliyose panji msungwana muno, ili ndi woko lane. Chiuta wakumutemwani imwe. Kwa mwanarumi waliyose panji mnyamata muno, Chiuta wakumutemwani imwe. Ine nkhumutemwani imwe. Sono, ine ninganyoroska yayi na kukorako waliyose mawoko ghinu, kweni Chiuta wawoneskere kwa imwe icho ine nkhung’anamura. Apo ise tikwimbaso yira, ng’anamukani waka ndipo koranani chasa na munyake. “Na ichi wanthu wose wamanyenge kuti imwe ndimwe wasambiri Wane, para imwe muli na chitemwa, yumoza kwa munyake.”

Ine . . .

. . . wakagura chiponosko chane
Pa Mphinjika.


Ine nkhumutemwa Iyo, ine nkhumutemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

271 Kasi imwe mukumutemwa yayi Iyo? Kapulikiro kaweme kala ka Mzimu Mutuŵa! Mazgu ndi ndondomeko yakutozgera, ghakumuchapani waka imwe, ghakumupangani imwe chilengiwa chiphya. Mazgu ngakuthwa kuruska lupanga

lwakuthwa kuwiri, ghakukotora, kudumurako vinthu vyose vya charu. Mukuwona? Ntheura ise tikujiwona wakuphotoka, wakuchapika, kuzomera na kumugomezganga Iyo. Umo ndimo ise tingayimbira:

Ine nkhumutemwa Iyo, ine nkhumutemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

²⁷² Yakutowa yira? Ine nkhuitemwa waka iyi na mtima wane wose. Mukuwona? Tiyeni tiyezge iyo kamosaso, waliyose sono, mwakusimikizga, mazgu ghinu pachanya.

Ine nkhumutemwa Iyo, ine nkhumutemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika . . . 

62-0121M Ndipo Mbewu Yako
Yizamutora Chipata Cha Murwani Wake
Faith Tabernacle
Phoenix, Arizona U.S.A.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempsheskerera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org